

SOPHOCLIS

✠K✠

ANTIGONE.

*Interprete Thoma VVatfono I. V.
studiofo.*

Huic adduntur pompæ quædam , ex fingulis Tragœdiæ
actis deriuatæ; & post eas, totidem themata fen-
tentijs refertifsima ; eodem THOMA
WATSONO Authore.

¶VBIQUE {illustration} FLORESCIT.

✠IOH. MAVRITIVS.✠

LONDINI

Excudebat Iohannes VVolfius,
1 5 8 1.

N O B I L I S S I M O

PROCERI, CLAROQUE MUL-

tis nominibus PHILIPPO HOWARDO

Comiti Arundeliæ, THOMAS WATSONUS

folidam fœlicitatem precatur.

N	<i>Obilibus prædiues auis, virtutibus aucte, Dotibus Aonijs nobilitate Comes Accipe tantilli iuuenilia carmina vatis, Et multi modicum volue laboris opus. Nec mea Callimachi, neq Coi Mufa Philætæ est: Quodq ferat, vulpes nil nifi tegmen habet. Sed curant hominum mentes, non munera Diui: Ergò age, cœlitibus par , imitare Deos.</i>	5
	<i>Quid fi mendofus fuerit meus ifte libellus ? Quid fi neglecto carmine culpa fubeft ?</i>	10
	<i>Candida & atra fuo perluftrat Cynthia vultu : Phœbus adit radijs candida & atra fuis. Veftraq confueto capiet clementia vultu, Quæ funt in verfu candida & atra meo.</i>	
	<i>Marfiæ, Arachnæ, Iri, Smyntheus, Tritonia, Cræfus, Cantus , fila, ftipem, postulat , optat , amat ; Cantus , fila, ftipem, Smyntheus, Tritonia, Cræfus, Nec dedignatur, muficus, alma, potens.</i>	15
	<i>Tuq minora meis (recinit fi vera popellus) Carmina carminibus muneris inftar habes.</i>	20
	<i>Atq ego non tanti primæuos duco Poetas, Vt nihil in noftris laudibus effe velim. Forfitàn & Phœbo, feciq volente Minerua, Vnde meo partus Marte triumphus eat.</i>	
	<i>Tu benè fi cenfes, ego te cenfore beatus Apponam ftimulos viribus ipfe meis.</i>	25
	<i>Et faciam lætus quod multi fæpè rogarunt, Plura vt fub præli pondere fcripta crepent.</i>	
	<i>Ipfe licèt Momus vano fubmurmuret ore, Inuidus & piceo Zoilus vngue premat :</i>	30
	<p style="text-align: right;">A 5<r> Iudicij</p>	

Iudicij cenfura tui fuperabit vtrumque,
Et capiti ponet laurea ferta meo.
Inde fatis fœlix, dicar tuus effe Poeta,
Et famulus fieri cum Ganymède Iouis.
Scilicet hoc olim cœpi fperare lucellum, 35
Dum ftudijs totus tempora prima dedi :
Dumq̃ procùl patria luſtrum mediumq̃ perêgi,
Diſcere diuerſis ædere verba fonis.
Tùm fatis Italiæ linguas moreſq̃ notabam ;
Et linguam, & mores Gallia docta tuos. 40
Vt potui, colui Muſas , quòcunq̃ ferebar :
Charus & imprimis Iuſtinianus erat.
Sæpè ſed inuitam turbauit Pallada Mauors,
Sæpè meo ſtudio bella fuère moræ.
Caſtra tamen fûgi, niſi quæ Phœbeia caſtra 45
Cum Muſis Charites continuère pias.
Bartole magnus eras, neq̃ circumferre licebat,
Nec legum nodos Balde diſerte tuos ;
Arripui Sophoclem, docui miteſcere Muſas :
E Græcis pepigi metra Latina modis. 50
Talitèr abſumens turbatas vtilis horas,
Antigonen docui verba Latina loqui.
Momenti res magna, meis quoq̃ viribus impar,
Nî daret ipſa mihi ſedula Pallas opem.
Tandem opus exactum volui lacerare, vel igni 55
Tradere, quòd Latio Græcia maior erat.
Plurima ſed vetuit prudentùm turba virorum :
Me fimul Eulogijs concelebrâre fuiſ.
Indè rudes iterùm cœpi limare camœnas,
Et magis intenta conſolidare manu. 60
Tùm quærendus erat , mihi qui P atronus adeſſet,
Et mea qui tegetet numine ſcripta ſuo ;
Qui Phœbo charus, Muſis qui charus alumnus
Effet, & Aonij fontis amaret aquas;
Qui claris ortus proauis, pietatis amicus 65
Effet, & ipſius candida cura Iouis ;
Tu quia talis eras, & maſculagloria regni,
Supplice Mœcœnas voce vocandus eras.

<A5v>

Ergò

<i>Ergò tantilli non aspernare clientis,</i>	
<i>Quod tua iàm virtus fola poposcit , opus.</i>	70
<i>Fabula trita, olì murem fecisse, Leoni</i>	
<i>Quod satis acceptum, quodq̃ salùbre fuit.</i>	
<i>Quàmuis indignus, quàmuis ignotus adestet,</i>	
<i>Sumpfit ab infirmo paupere Pyrrhus aquam.</i>	
<i>Sic mihi fit facilis cultura potentis amici,</i>	75
<i>Sim licèt ignotus, nec meruisse queam.</i>	
<i>Velle meum pro posse datur, pro munere carmen,</i>	
<i>Et cupit Antigone charior esse tibi.</i>	
<i>Charior esse tibi sperat, quàm chara Creonti,</i>	
<i>Quàm fuerit patrio vel peramata solò.</i>	80
<i>Iamq̃ reuiuiscens, & Musis ducta Latinis</i>	
<i>Hùc venit, & Thœbis ampliùs esse timet.</i>	
<i>Mira tibi referet, si vis miracula nosse :</i>	
<i>Atq̃ pium faceret , nì pius antè fores.</i>	
<i>Illicitam legem tumidis mordebit Iambis ;</i>	85
<i>Fascibus impauido præferet ore Deos ;</i>	
<i>Tum quid fit pulchrum, quid turpe, quid vtile, quid non,</i>	
<i>Dicet : & imperij quàm fit amarus amor ;</i>	
<i>Quàm noceat veri monitus contemnere vatis :</i>	
<i>Quàm vertat celerem Sors malefana rotam ;</i>	90
<i>Principis & placitum quàm pendula turba sequatur,</i>	
<i>Et quanti faciant cætera membra caput.</i>	
<i>Hæc, & plura tuis planè præfiget ocellis</i>	
<i>Antigone, studio docta docere meo.</i>	
<i>Viue, vale Generose Comes : quot sæcula ceruus</i>	95
<i>Viuit, tot fœlix sæcula viue : vale.</i>	

Vestri honoris obseruantissimus,
Thomas Watsonus Londinensis.

A 4 <r> V E R-

VERSVS ALIQVOT DESCRIPTI

EX EPISTOLA QVADAM AD THO:

Watfonum data, dum effat Lutetiæ, vt varia fua

poemata in lucem exponeret.

S I noſtræ tecum preculæ Watfone, valerent,
Non tua tot chartis ſcrinia plena forent;
Sub prælo tua Mufa foret, lucemq; viderent
Iudice quæ Phæbo candida metra facis.
Atq; ego ſi quicquàm fapio, nouiq; Helicon, 5
Carminis ille tui eſt ex Helicone liquor.
Clafſica ſiue canis, teneros ſeu dicis amores,
Mars tumido, tenui carmine gefſit amor.
Thufcanus Petrarcha tuo fſtat carmine diues:
Mundo vtinam fieret notior ille labor. 10
Plebs ignara licet Phæbeæ frondis honores
Negligat, & quicquid clarius eſſe poteſt :
Tu tamèn a doctis doctus dicere Poëta,
Inq; ſuo precio nobile carmen erit.
Præfertim Antigenen vel Zoilus ipſe probabit, 15
Ad prælum duci ſi paciariſ opus.
Ergò tuum celebris portet ſuper æthera nomen
Fama, nec in tenebris ampliùs eſſe finat.
Nàm licet eſ iuuenis, tamen haud iuuenilia pangis,
Et vena polles, ingenioq; bono. 20
Ah pudet vltteriùs iuuenem laudare ſenili
Carmine, quòd noſtro carmine maior eas.
Eià age; percolito dulces ante omnia Muſas :
vtilis ille labor, dulcis & ille labor.
Sed Venus irata eſt, dum celas carmen amoris : 25
Phæbus & ipſe dolet, dum ſua dona tegiſ.
Si ſempèr Danaën tenuiſſet ahænea turriſ,
Aurea non eſſent pondera nota Iouiſ.

Stephanus Broelmannus

Agrippinenſiſ, Poeta.

<A4v>

Τὸ τῆς Ἀντιγόνης σοφοκλείας, μεταφρασθείσης ὑπὸ θωμᾶ οὐατσώ-
νου ἐκ τῆς ἐλληνικῆς εἰς τὴν ῥωμαικὴν γλῶσσαν ἐγκώμιον,
ὑπ' Ἰωάννου κώκου ἡρωικῶ Τριακαί-
δεκαστίχῳ ἐκπεπονημένον.

ὥς φάος ἡελίοιο τὰ ἄστρα μὲν ἄλλ' ἐπιβάινει,
καὶ τραγικῶν ὄντων πολὺ φέρτερος ἐστὶ σοφοκλῆς.
ὥστε οὐατσώνου πόνος ἄξιός ἐστιν ἐπαινου,
ὅσγε κατ' ἀντιγόνην σοφοκλοῦς ἐδίδαξε λαλῆσαι,
Τῷ λόγῳ ἡμετέρῳ, χαρίτων τοι τ' ἄγλαα δῶρα,
Τὴν μὲν ἔην, Μουσῶντε τὰ ἀβράπερ ὄντα θέλγειν.
Ἀντὶ ὄτων ἀνέϊτε θεὸν ὃς ἔδωκε βριτάννοις
Τόνδε νέον, τέχνης πρῶτον τοίησδε διδάκτην.
ὥς καλῶς ἤρξ' οὔν, ὄντων καὶ τ' ἔργα τελέσσαι
Αὐτῷ μὲν δοίη θεός, ὅσπερ ὑπέρτατα ναίει
δῶματα, καὶ ἀνδρῶν ἵλεως το πρᾶγμα κυβερνα.
ὅν γὰρ τοῦτο μόνον τὸ δρᾶμα μὲν ἐργοποίησε
ἀλλὰ ἔοις ἕτερ' ἐργάσει πάμπολλα βροτοῖσι.

5

10

{illustration}

B<1r>

AD LECTOREM.

E Rgò non folæ laudem meruêre Mycenæ
Carminis, & tripodem mentis Appolliniæ.
Fas quoq; diuifis famam fperare Britannis,
Frigida vbì tardus plauſtra Bootes agit.
Fabula, quam fecit fublîmi digna cothurno 5
Græcia, fit Latium : parq; in vtraque decus.
Mufa Sophoclæas Watfoni imitata camœnas
Ifmeniden Latio reddidit ore loqui.
Lector amice, pudet charum laudare fodalem:
Tu fupple noſtræ crîmen amicitia. 10

*Philippus Harrifonus , Iuris
Vtriuſque Licentiatus.*

In Thomæ Watfoni Antigonem.

S I fua Romano fpaciari carmina campo
Iàm viuus Sophocles optaret :
Te cuperet Watfone dari, Phœbo vnica cura,
Qui Sophoclem faceres Romanum.
O magnam, fi vera, (inquit turba inuida) laudem : : 5
At iuueni has contingere dotes ?
Quid vetat ? & minimè mentitæ laudis apertum
Hæc erit Antigone argumentum :
Quæ fi Græca fuit Sophoclæo digna cothurno,
Prodit non indigna Latina. 10

Francifcus Yomans.

D Vm parat Antigone Polynicis funera fratris,
Virginis afpergit fanguine buſta Creon.
Exhibet hæc Graio Sophocles ſpectanda cothurno :
Non fatîs aſt Graia fabula voce placet.
Nè fenis ergò foret Sophoclis labor irritus, ecce 5
Watfoni eſt Latio Mufa legenda fono.
O vtinam tam poſſe mihi, quàm velle daretur,
Euehere excubias pleniùs ore tuas.

Chriſtoforus Atkinſonus Medicus.

<B1v>

AD THOMAM WATSONVM DE
fua Sophoclæa Antigone.

Antigonem laudare tuam (Watfone) volenti
Aspice quæ dubiæ fit mihi causa moræ.
Cogito cui laudem , ne frustra deniquè laudem :
Nam non lecturo Laus erit omnis iners.
Vanius at multò fuerit laudare Legenti, 5
Vt potior multò est ars tua laude mea.
Ergo ego non laudem, quod non laudare scelus fit ?
Abfit : erit scelere hoc crimen, inane , minus .
Hanc si nemo legat , nulli laus nostra molesta est :
Si sua sufficiat laus , mea nulla nocet. 10
Antigone laudes, laudes natura meretur
Præfatrix , laudes addita Pompa fuas.
Antigones tecum Sophocles partitur honores,
Integra sunt laudis posteriora tuæ.
Et mea si quod habet iuuenilis opinio pondus, 15
Qui tua non laudat , deteriora dabit.
C. Downhalus.

In Thomæ Watfoni Antigenen.

A Nnè Sophoclæo Genio fas laude litare ?
Fas est thure Deo, laude litare viro.
Tum Watfone tibi victurâ laude litandum :
laus tua fitq; tibi quod sua thura Ioui.
Namq; Sophoclæus Genius tibi mente receptus 5
Infidet, Aufonium seq; subindè stupet.
Antigonem quicunq; legit, sic iudicat ; illam
Qui lêget, relegit ; quiq; relêgit amat.
Vnus in alterutro Genius sîc eminet, vno
Alterutro, Tragicis vnus vterq; modis. 10
Perculit ille suis numeris Orchestra Pelasgûm,
Tu pompis Latijs nostra Theatra quatis.
Verba illi Græco, vernant tibi flore latino,
Venaq; dicendi diues vtriq; fluit.
Sed tibi quid laudesvenâ de paupere promo? 15
Sic solem fumis irradiare paro.
En victura comas Phæbi tibi laurus obumbret :
Et decus hoc minus est, quàm meruisse decus.
Guil. Camden.
<B2r>

VITA SOPHOCLIS

EX SVIDA.

S Ophocles Sophili filius, Colonæus, Athæ-
nienfis, Poeta Tragicus, natus est circiter
septuagesimam tertiam Olympiadem :
vt Socrate maior natu fit annis xvij. Hic
primus tribus vfus est actoribus : ideoq; 5
appellebatur τριταγωνιστής. Primus etiàm
Chorum introduxit ex iuuenibus quin-
decim confitutum , quùm antea folùm ex duodecim fu-
iffet. Appellatus est autèm apis propter eloquij dulcedi-
nem. Ipse etiàm incepit oppofitis eiufdem argumenti fa- 10
bulis certare . Scripsit etiàm Elegia, ac Pæanas, folutamq;
orationem: in qua de Choro aduerfus Theſpin ac Chæri-
lum certauit. Filios autèm habuit, Iophontem , Leofthe-
nem, Ariftonem, Stephanum, & Menecliden . Mortuus est
poſt Euripidis obitum, anno ſexto . Porro fabulas docuit 15
123. Et, vt quidam ferunt, multo etiàm plures. Victorias
autèm retulit viginti tres.

{illustration}

ARGV-

<B2v>

ARGVMENTVM ANTIGONES,
per Tho. Watfonum.

P Olynicen a fratre fingulari certamine interemptum,
Creon inhumatum proijciens , edicit nè quis eum sepultura afficiat, mortem sepelienti pœnam minitatus. Illum germana foror Antigone sepelire aggressa est, & clam custodibus ex puluere tumulum ingessit. Custodibus mortem Creon minitatur , nisi sepulturæ authorem deprehensum darent. Illi puluerem cōgestum amouentes, in speculis adhuc excubabant. Accedens Antigone, et nudatum cadauer inueniens, eiulatu seipsam indicat : quam a custodibus traditam Creon condemnat, viuamq; effosso monumento includi iubet. Ob hæc Hæmon Cræontis filius qui virginē sibi desponderat, seipsum iuxta puellam suspendio pereuntem gladio trucidat : Cuius interitum graviter et acerbè ferens Creontis coniux Eurydice, seipsam interficit. Postremo Creon filij & vxoris fata miseranda luget.

{illustration}

Natura

<B3r>

Trimetro.

Thoma Watfano Authore.

N Atura mundi Domina fublimis vocor,
Vitæq; reatrix integræ, & rerum parens ;
Vigent & extant omnia officio meo :
Impia nouercam monſtra me ſolam ſciunt.
Fœcunda frugum terra, ventofum mare, 5
Flammantis æthræ circuli, & geminus polus,
Virtute pendent, eminent, durant mea :
Immota cedo nemini, ſum æqua omnibus;
Nil, ſi reluctem, prorfus ex voto cadit.
Pictura vultus fæpè mentitur meos : 10
Sequiturq; , fed non affequi quicquàm valet,
Sua colores arte qui pingit meos.
Sum Æqui columna, iuris & legum bafis:
Vis effe fœlix ? viue Natura duce.
Tanta eft poteſtas noſtra. Sed ſpernor tamen, 15
Measq; leges plurimi frangunt mali :
Perijt ſacratum iuris humani decus,
Pietas, pudorq;, ac exulat mundo fides.
Thæbana quoties iſta iàm noſtrum domus
Exofa numen, debitas pœnas dedit ? 20
Quod præmonenti non mihi fecit malum ?
Hic, cui pedalis nomen adiecet tumor,
Rex Oedipus, quæ monſtra fæuus protulit ?
Suum necauit ſtipite infauſto patrem ?
Nefaſq; maius fecit, (effari pudet:). 25
Inuifa proles iunxit incæſtos toros
Cum matre: diro miſcuit cædem ſtupro :
Quod bruta abhorrent, fecit & fratres ſibi.
Impunis autèm iura non læſit mea.
Animus remordens impias in ſe manus 30
Intulit, & oculos dextera euulſit truces.
Erratq; pulſus iàm procùl patria ſua,

 $\langle B3v \rangle$

Comitatur

ARGUMENTVM ANTIG.

	Comitantur illum mors, tremor, tabes dolor.	
	Genitrix & vxor hinc mariti & filij	
	Percuffa dira clade, nat ^{ur} æ fuæ	35
	Inuidit, arcto strinxit & laqueo gulam.	
	Posthæc paternum ad filios sceptrum venit,	
	Fœdusq; firmant, regni vt obseruent vices,	
	Sibiq; cedant mutuò : Sed (pròh nefas)	
	Statim soluta est fœderis pacti fides.	40
	Nàm iure pacto primus accepto negat	
	Cedere : meum ius temnit : (at fratrum fides	
	Quàm rara ?) regnat nobilis periurio.	
	At regna repetens frater, & sceptrum patris,	
	Exiliaq; ægrè dura Polynices ferens,	45
	In arma populos Græciæ cunctos mouet ;	
	Ferox ruinam patriæ ferro struit,	
	Deos Penates igne funesto petit,	
	Ius omne frangens, hostis infensus sibi,	
	Læditq; regnum, quod sibi quærit dari.	50
	Sed mox scelestas inuicem armati manus	
	Vulneribus ambo mutuis cæci cadunt.	
	Iamq; insepultus alter, eiectus feris,	
	Fit præda canibus, vulturi obsæno, & lupis.	
Accedit hic ad argumentum præsentis fabula	Quin scelera vel adhuc ista molitur domus:	55
	(Sola futura scire concessum est mihi)	
	Prodibit, en, iam triftis Antigone, & dolens	
	Nondum sepultum, puluere iniecto teget	
	Animosa fratrem, victa et affecto pio,	
	Idem rogabit iuncta vt efficiat soror.	60
	Sed misera nondum cernit, affectum rudem	
	Debere patriæ legibus locum dare.	
	Mox ergò Regis iussa perfringens palam	
	Inclusa tumulo faxeo pænas dabit.	
	Creonq; porrò sceptrum crudelis tenens	65
	Dum vult remitti iure de summo nihil,	
	Sed vsq; durus mente in incepta manet ,	
	Nec sanguinis, nec liberum, nec coniugis ,	
	Nec vatis æquum prædicantis publicè,	
	Nec ciuitatis curam habens, iras meas	70
	<B4r>	Sentiet

ARGVMENTVM ANTIG.

Sentiet acerbis. Namq; luctu flebili
Replebo, & omnem clade confundam domum.
Nati videbit funera & sponſæ ſimul :
Namq; hic puellæ, aſt illa fato filij
Perculſa, vterq; fanguinem perdent ſuum.
Senex miſellam vitam in ærumnis aget.
Vos ergò famuli diſcite ex tantis malis,
Quàm fit falubre iura Naturæ ſequi.
Inuitaſi ſim, ritè procedet nihil.

75

Argumenti finis.

Mutuatum ex Naogeorgi annotationibus in Sophoclem. *Scena huius fabulæ conſtituitur Thebis Bæoticis. Et ſcribunt aliqui, Sophoclem Sami præfecturam adeptum, quòd Antigonem optimè docuiſſet. In ſcenam veròbis & tricies relata & acta eſt.*

PERSONÆ.

Antigone.	Hæmon filius Cre-
Iſmene.	ontis.
Chorus ſenum Theba-	Tyrefias augur, ſeù
norum.	vates.
Creon rex Thebarum.	Eurydice vxor
Nuncius vnus ex cuſto-	Creontis.
dibus cadaueris.	Famulus.

SOPHO :

<B4v>

O Stirpe eâdem Ifmena germanum caput,
 Superatnè nunc ex Oedipi quicquam malis,
 Quod non adhuc effudit in nos Iuppiter ?
 Nil nec doloris,nec calamitatis capax,
 Nec turpe,nec nota est inustum infamiæ,
 Quod non ego vtriusque conspexi malis.
 Nunc Ciuibus (sic fama)regno qui præest
 Hoc vniuersis nuper edictum tulit,
 Noftinè quodnam edocta ? nunc,quæ ab hostibus
 Nefanda amicis accidunt,nefcis mala ?
 Sermo de amicis nullus Antigone mihi
 Nec lætus accefsit,nec ingratus,duæ
 Ex quo fumus duobus orbæ fratribus
 Vna die manu peremptis mutua.
 Post nocte in hac fractas Achiuûm copias
 Quæ contigerunt,ipfa fum rudis: magis
 Miferonè fint res,an bono positæ ftatu.
 Istuc fatis cognoui,& e porta pedem
 Hac gratia tecum extuli,vt fola audias.
 Quid est ? aliquid agitata pruris eloqui.
 En fratribus dirus Creon tumultum inuidet :
 Huic honorem, at alteri probrum intulit.
 Namque Eteoclem,vt prædicant, iniecta humo
 (Æqui fequutus debitum & iuris modum)
 Obduxit, inferis probandum mânibus.
 Polynicis occifi cadauer flebile
 (Vt dicitur)propofuit edictum omnibus,
 Ne defleat quisquam,sepulchro nec tegat.
 Infletum & inhumatum in folo aprico finant
 Dulcem famelicis effe vulturibus cibum.
 Talia mihi (me memoro maximè) & tibi
 *Bonus ille promulgaffe perhibetur Creon.
 Palam huc quoque eadem expromet aduentans,rei

C<1r> Geftæ

	Gestæ imperitis: rémq̃ue non vt nullius Existimabit ponderis. Porrò est reo Decreta mors, a plebe faxis obrui. Sunt hoc loco res constitutæ: ergò citò Patefacies, sis nobilífne, an improba.	35
<i>I m e n e</i>	Quidnam, ô misera (si huc res redit) germanum humans Ego soluta lege proficerem ampliùs ?	40
<i>Antigone</i>	An sis opere futura communi, vide.	
<i>Ifmene</i>	Quale istud inceptum est? quid es sententiæ?	
<i>Antigone</i>	Mecum leuare hoc num cadauer tu velis ?	
<i>Ifmene</i>	Num ciuibus sepelire eum inuitis studes ?	
<i>Antigone</i>	Fratrem meum, tuúmque, si tu negligas, Nunquam vt putarer prodidisse perferam.	45
<i>Ifmene</i>	O misera, si contrarium iubeat Creon ?	
<i>Antigone</i>	Illi nefas est me a meis præcludere.	
<i>Ifmene</i>	Eheu mihi: tecum hæc (foror) puta: pater Vt nofter humilis perijt, inuifus, miser ; Scelus ipse deprendens suum, ambo lumina Radice ab ima propria euulfit manu. Coniux deinde & mater (heu geminum malum) Laqueo fibi vitam retorto sustulit. Post hæc eâdem luce germani duo Se clade funesta necantes, mutuo Inglorium rupêre fatum vulnere. Nos ergò iàm solas relictas cogita Quàm triste mox læthum manebit, iure si Rupto, Tiranni imperia transgressæ impia.	50 55 60
,,	Imo istud animo agitare par est, fœminas	
,,	Nos esse: nec certare cum viris decet. Tùm præter hæc, potentiores nos regunt. Locum hisce vel grauioribus demus malis. Facti ipsa veniam ab Inferis supplex petam: Nam vis ad inuitam patrare compulit. Illi obediam vltro, quifquis imperio præest.	65
,,	Temerè ad opus qui fertur, amentem puto.	
<i>Antigone</i>	Nec ego impera bo, nec si idem post maximé Optaueris, mecum exequi libens finam. Atfcito, vtvt tibi hæc videntur, illum ego	70
	<C1v>	Humabo

- Humabo, Mors mihi hoc patranti egregia erit,
 Amica vitam cum illo amico deferam,
 Clàm iufta foluens. Namquē temporis manet
 Plus, quo Inferis, quam his, qui superfunt, obsequor. 75
 Illic iacendum vſquē eſt. Tibi hoc ſi fit ratum,
 Cœleſtium violato Diuūm numina.
- Ifmene* Ego numen haud violabo: verūm ciuibus
 Hoc facinus inuitis facere non ſum potis.
- Antigone* Prætexe tu iſtæc. Verūm ego dulciſſimo 80
 Fratri ſepulchrum iam dare hinc me conferam.
- Ifmene* Heu me, tibi miſeranda quàm metuo malè.
- Antigone* Ne te mei timor occupet, tibi prouide.
- Ifmene* At nemini, dūm ætatem agas, impertias
 Factum hoc : habe ſecretum, & vnà tecum ego. 85
- Antigone* Hei mihi : reuela, multò eris ſilentio
 Inuiſior, niſi omnibus id effutias.
- Ifmene* In frigidis calidum nimis cor poſſides.
- Antigone* Scio, maximè quibus obſequi me conuenit.
- Ifmene* Si liceat; atquē immenſa demens expetis. 90
- Antigone* Ergò libens, cūm non valebo, definam.
- Ifmene* ,, Stultum eſt ſequi id, quod aſſequi omninò nequis.
- Antigone* Sic ſi profaris, maximo eris odio mihi:
 Inimica iure mortuo æſtimaberis.
 Verūm ſine temeritatis huius me graues 95
 Pœnas luere. Parebo tantūm nemini,
 Vt non breuem hanc cum gloria vitam exuam.
- Ifmene* Si conſtitutum habeas, abi: hoc ſcito tamèn,
 Tuis amica pergis, at demens tibi.

*Carmen Choricum ex varijs metri generibus
 ac eiſdem, quibus vtitur Sophocles.*

- Chorus* P Hœbi ô radie, Septifores 100
 Candidum præ vt antea.
- Hic, Thebani ſe-*
nes, occiſis iam Thebas reſpiciens iubar:
pridem fuiſt hoſti- O aurata tandèm emicas
bus, canunt Epi- Claritas diei,
nicion. Dirçæos ſuper 105

C 2<r>

Fluuioſ

Fluuioſ profecta
 Ex Argo, panoplia
De Adrafto Quæ virum indutum argentea
loquitur. Profugum fugitiuum celeri
 Commouit itinere, 110
 Quem deducens hùc Polynices
 Certamine flagrans alterno
 In terram velut aquila clangens
 Conuolat iftam,
 Vndiquè niuea præditus ala, 115
 Multis cum armis,
 Atquè armato cum equitatu.
 Stans in introitu cruen-
 tatis feptifores Thebas
 Haftis vndiquè glutens, 120
 Receſſit, cruore priuf-
 quàm gulam tepido
 Expleuiſſet,
 Superbaſquè turres
 Lamberet Vulcanus edax. 125
 Talis inuaſit fugatos
 Martis ſtrepitus anguigenis
 Mœſtus nobis triumphus.
 ,, Grandia linguæ verba ſuperbæ
 ,, Iubiter odit. Quos cum incurſu 130
 ,, Valido aſpexerit impendentes
 ,, Nitidi ſtridore auri elatos,
 ,, Torto fulmine ſternit, in ipſa
 ,, Fronte tumentem
 ,, Orſos agitare triumphum. 135
 Contraq; corpore ſtrauit humum cadente
 Feruidus, indomito qui tunc furore
 Correptus diem ègit.
 Malis ictus vulneribus
 Vndiq; inuic- 140
 tus in omnes, et vbiquè
 Ruit, irrumpit atrox Mars,
 Gladio fœlix truculento.

<C2v>

Septemq;

		A N T I G O N E.	21
		Septemq; duces septem ad portas	
		Pari congressi Marte, tonanti.	145
		Arma hostilia liquere Ioui.	
		Atqui horribiles, fratresq; fati	
		Æditi eodem, mutuo iniqua	
		Tela vibrantes, victi vtrique	
		Communia fata fubibant.	150
		Attamen inclyta palma tumens Trophæis	
		Ad celebres redijt lætata Thebas.	
		Sed bella ex animo	
		Nunc permittite effluere:	
		Deumq; delubra cœtu decenti	155
		Adeamus; Bromioq;	
		Domino Thebarum regente.	
<i>Chorus aduentare videt Creontem.</i>		Verum (en) nostræ rector patriæ	
		Creon stirps Menæcei, recenti	
		Diuum folio tumidus, huc fe	160
		Confert, aliquid mente volutans?	
		Namq; Senatum passim augustum	
		Iam communi	
		Miffo præcone vocauit.	
		A C T V S S E C V N D V S.	
		<i>Iambicum Trimeterum.</i>	
<i>Creon</i>	R	Empublicam (viri) proteruis fluctibus	
<i>Captat Senatus</i>		Quaffam diu erexere rufum Cœlites.	
<i>beneuolentiam.</i>		Per nuncios vos ego seorsum ex omnibus	
		Iussi aduocari, Laij quod regia	
		Semper reueritos sceptrâ cognoui fatis.	5
		Tum quando regnum possidebat Oedipus,	
		Cumq; periijt, matura noui audacibus	
		Confilia fortiter dediffe liberis.	
		Illi ergo postquam duplici fratres simul	
		Cecidere fato, scelere communi, vice	10
		Plagis & inflictis & acceptis pari;	
		Ius omne regni cedit & folium mihi,	
		Quod interemptis genere proximus fui.	
		C 3<r>	Æ 60rè

	22	S O P H O C L I S .	
<i>Magistratus</i> , ,	Aegrè fit, vt cuiusque calleas viri		
<i>virum indicat</i> , ,	Sententiam, fenfumq; & ingenium prius,	15	
	, , Quàm legibus præfectus imperium gerat.		
	, , Quicunque clauum solus imperij tenens		
	, , Confilia non est executus optima,		
	, , Sed propriam timore linguam comprimit,		
	, , Is nunc & olim vifus est mihi pefsimus.	20	
	, , Qui pluris hominem putat amicum patria,		
	, , Quæ fustulit, eundem esse nequam cenfeo.		
	Ergo ego (videntem cuncta conteftor louem)		
	Nec ciuium imminere fortunis malum		
	Cernens, loco falutis vnquam contegam:	25	
	Nec quenquam amicum, dum fit hostis patriæ,		
	Mihi putabo: hoc præuidens, illam esse, quæ		
	Seruat beatos, quæ benignis flatibus		
	Si exurgat, vndiq; erit amicorum fati.		
	Talibus ego hanc dabo locupletem legibus.	30	
	Germana iam his, quæ sum profatus, ciuibus		
	Ambobus edixi Oedipi de liberis ;		
	Primum Eteoclen (qui pro vrbe propugnans nece est		
	Extinctus indigna, optimè hausta se gerens)		
<i>* Solebant enim</i>	Mandent sepulchro, * cunctaque simul occulant,	35	
<i>arma & instru-</i>	Quæ fortium celebres sepulturas decent.		
<i>menta , canes &</i>	At alterum, fratrem aio, Polynicen, solum		
<i>equi, vestesque cū</i>	Qui patrium, & Deos Penates impius,		
<i>mortuis cremari,</i>	Exul reuentans, igne partim stirpitus		
<i>aut sepeliri.</i>	Vastare voluit, sanguinem horum fugere,	40	
	Alios malignam in feruitutem tradere ;		
	Illum, volo edictum omnibus, nè quispiam		
	Condat sepulcro, neuè proiectum flect:		
	Sed vulturum rostris, canumq; rictibus		
	Lacerum infepultum corpus exedi finat.	45	
	Sic statuo. Nunquam ex me mali (dum suppetit		
	Hæc vita) præripient bonorum gloriam.		
	At patriæ qui fidus est, finè occidat,		
	Seu viuat, hunc ego pari honore prosequor.		
<i>Chorus</i>	Tibi hæc placent ô stirps Menæcei Creon,	50	
<i>Adulatorium, &</i>	Hunc nuncupari hostem, illum amicum patriæ.		
<i>quod placeat</i>			
<i>Tyrannum.</i>	<C3v> Quæcunq;		

- Quæcunq; promulgare iam fas est tibi
De mortuis,nobisq;,qui in vita fumus.
- Creon* Horum ergò vos, qnæ dico, custodes creò.
- Chorus* Iuuenibus h oc impone neruosis onus. 55
- Creon* Promptos tamèn, qui mortuum afferuent, scio.
- Chorus* Cur alteri vt fiat iubet hoc ampliùs?
- Creon* Nè ad iussa repudianda conspirent fimul.
- Chorus* Quis quæso ità est delirus, vt cupiat mori?
- Creon* ,, Merces profecto erit illa. Spe fretis vaga 60
, Sed sæpè lucrum hominibus exitio fuit.
- Nuncius* Rex ; non profabor, quomodò hùc præceps feror
Præcurfu anhelans,concitum attollens pedem.
Nam cura multas peperit attonita moras,
Quæ me reuerti dum ambulabam compulit: 65
Mens oblocuta multa fugessit ; Miser,
Quò pergis? aut cui supplicia properas dare ?
Rursum: manebis ? hæc Creonti nuncius
Monstrabit alter? hoc tum inultum quí feret?
Vix lentus istæc disputans triui viam: 70
Sic longafit,quæ brevis erat spatium via.
Tandèm illa uictrix trufit hùc sententia.
Quod proferam, etsi triste fit, dicam tamen:
Spes me profectò certa venientem tenet,
Aliud nihil, nisi quod feret fatum, pati. 75
- Creon* Quid est? refer: cur mæstus animum contrahis?
- Nuncius* De me priùs dictum volo. Nunquam malum hoc
Feci ipse, nèc quis facinus admittit scio:
Nec in aliquod iustè & volens ruam scelus.
- Creon* Pulcrè autumas, & rem vndiq; obseptam obstruis: 80
Nouum quasi aliquid indicaturus venis.
- Nuncius* ,, Timidum nimis pigrumq; , quod graue est,facit-
- Creon* Dicturus, an non? vt abeas pòst ocyùs.
- Nuncius* Dicam profectò. Nupèr aliquis mortuum
Abiens humauit,& rigentem puluere 85
Cutem abdidit, quæcunq; oportuit, expians.
- Creon* Quid faris? hæc tandem quis ausus est homo?
- Nuncius* Ignoro prorfus: Nec securis vsquam erat
Inflicta, nec vifa est ligonis ruptio ;

<C4r>

Præfracta

	24	S O P H O C L I S.	
	Præfracta humus solidaq; nec trita est rotis.		90
	Quisquis patrauit, clanculum scelus ædedit.		
	Primum vt diurnus crimen excubitor palam		
	Explicuit, omnes gelidus inuasit stupor.		
	Non vndiq; tegitur nec obruitur folo		
	Quasi factum abhorrens puluere obduxit leui:		95
	Nec bestiae vsquam, nec canis vestigium		
	Graffantis, auido & dente laniantis fuit.		
	Statim inuicem sunt concitata iurgia,		
	Custodq; custodem increpat: tandem ad manus		
	ventum est: eos qui dirimeret, nemo adfuit.		100
	Certe vnus erat, haud quisq; conflauit scelus:		
	Nemo euicens, se omnes negabant confcios,		
* Hoc olim fa-	* Manibus parati ignita ferra fumere,		
ciebant Ethnic	Iurareq; inuicem face arrepta Deos,		
& Chriftiani	Se nec patrafse, nec cuiquam facinus hoc		105
ad probandum	Vel confulenti, vel patranti confcios.		
innocentiam.	At illa rem scrutantibus nil proderant.		
	Effatur vnus, qui metu affectos caput		
	Demittere omnes in folum fecit: cui		
	Nec opere, nec sermone tum licuit bene		110
	Ire obuiam: hæc profatus, vt palam tibi		
	Factum omne facerent, fitq; suppressum nihil.		
*Ironice	Hic fermo vicit ; Meq; ter miserum *bonum		
	Hoc (fcilicet) fors ferre iniqua compulit.		
	Inuitus adfum ; quod scio,inuitis quoq; .		115
,,	Verborum amat nemo malorum nuncium.		
Chorus.	Rex ; prouida num cœlitum cura hoc opus		
	Sit perpetratum, mente verfabam diu.		
Creon.	Tace, priusquam fando me rabie expleas.		
	Nè vtrunq; te & stultum & senem prodas simul.		120
	Nulli ferenda dicis, affirmans Deos		
	Hunc mortuum cura iuuare prouida.		
	Num Dij colentes quasi parentem patriæ		
	Hunc condiderunt, templa qui sublimia		
	Incendio vastare, Diuum qui folum, &		125
	Monumenta, qui etiam iura venit perdere?		
,,	Malis honorem facere vidisti Deos?		
	<C4v>	Nunquam	

	Nunquam fit. immò ægrè ferentes iam diú	
	Ciues, leui hæc mihi innuebant murmure,	
	Clàm capita quaffantes: meo nèc hactenùs	130
	Iugo fubacti colla, me æquo animo vt ferant.	
	Ab his probè muneribus adductos scio,	
	Vt clanculùm hoc immane patrent scelus.	
	'' Mortalibus nil maius argento malum	
<i>Pecuniæ ftu-</i>	'' Succreuit vnquam: hoc ciuitates maximas	135
<i>dium ad omne</i>	'' Populatur ; hoc viros domo exturbat sua ;	
<i>flagitium im-</i>	'' Hoc prorùs hominum ingenia tranfformat bona ;	
<i>pellit.</i>	'' Turpifsima ad flagitia profterni docet ;	
	'' Hoc monftrat aftutis abuti fraudibus,	
	'' Cunctifq; quantum in rebus impietas valet.	140
	Quicunq; quæftu obiêre permoti hoc nefas,	
	Pænas viciflìm debitas tandèm dabunt,	
	Si Iuppiter, nofterq; quid pofsit thronus.	
	Rectè iftud animaduerte, (iuratus loquor:)	
	Nifi proprium illis fepulturæ opificem	145
	Iàm deprehenfum detis ante oculos mihi,	
	Non vos priùs recipiet Inferni Chaos,	
	Quàm penfiles monftretis hanc iniuriam:	
	Lucrum vt fcientes vndè fumendum fiet,	
	In pofterum faciatis ; hocq; difcite,	150
	,, Omni loco non eft lucrum amplecti vtile,	
	,, Nam fæpè quæftu ex fordido multó magis	
	,, Lædi videbis,quàm beari plurimos.	
<i>Nuncius</i>	Aliudnè quod dicam, an reuerti sìc iubes?	
<i>Creon</i>	Necifnè nunc quàm fando mihi bilem excites?	155
<i>Nuncius</i>	Aurefnè folum, an anima mordetur tibi?	
<i>Creon</i>	Quidnam (malum) quæris, meus vbi fit dolor?	
<i>Nuncius</i>	Qui fecit, animam pungit, aures tantùm ego.	
<i>Creon</i>	Hei mihi ; quàm apertè lingua verbofa obftrepat?	
<i>Nuncius</i>	Huius profectò author operis nunquam extiti.	160
<i>Creon</i>	Certè vel animam efflare fpe argenti ftudes.	
<i>Nuncius</i> ,,	Heu ; quàm eft effe fufpectum graue, & falfo quidèm?	
<i>Creon</i>	Iocare fufpicionè nunc: Sed nifi reos	
	Monftrabitis mihi, fcietis quomodò	
,,	Auida dolores lucra gemebundos creant.	165

D<1r>

Vt

Nuncius Vt maximè agnosci cupio : At vtrumnè fit
Deprensus, an non ; illa fortunæ alea est ;
Nòn me mouentem posteà hùc cernes gradum.
At nunc quidèm feruatus extra spem, & meam
Sententiam, habeo debitam Dijs gratiam. 170

*Carmen Chori variè mixtum, & eiusdem generis
cum Græco.*

<i>Chorus</i>	M	Vlta diferta : nil tamèn Homine extat sapientius.	
<i>Audaciam homi- nùm, industriam- q; ac prudentiam a multis rebus laudat.</i>		* Ille trans reflui maris Vndas, flante humido Noto, Verrit valido truces re- morum impetu fluctus :	175
* <i>A nauigatione</i>		* Deùmq; nobilissimam terram	
* <i>Ab agricul- tura.</i>		Afsiduam, solidam, Subigit, terit vomere vulnifico, Equorum genere auda- ci colens quotannis.	180
* <i>Ab aucupio, & venatione.</i>		* Pennigeras quoq; alitum Turmas illaqueans capit, Agrestem & pecudum gregem;	
* <i>Piscatione.</i>		* Ponti & maritimum genus Solers homo finuosis Laqueorum orbibus.	185
* <i>A cicuratione belluarum.</i>		Et * belluas technis frementes Montiuagas superat ; Et equum superat iuba superbum im- posito iugo, & agref- tem taurum ferocem.	190
* <i>A variis lin- guis & scientiis.</i>		* Sermonem homo, atq; variam Prudentiam, tum ciuium	
* <i>Ab ædifica- tionibus.</i>		Motus docuit ; * Glaciale frigus, Penetrabileq; Vitare fulmen Iouis. Cuncta potest;	195
	,,	Ineptus aggreditur nihil.	
	,,	Mortis rigida pellere	

<D1v>

Fata

		A N T I G O N E	27	
		,, Fata nefcit impotens.	200	
* <i>A medicina.</i>		* Morbis tamèn teterrimis Scit mederi.		
* <i>Ab artium in- inuentione.</i>		* Acumine præditus, artes Quod parit egregias Nunc se ad mala, nunc bona fert vicissim.	205	
		,, Cuius bonus, patriæ ,, Colensq; Diuum sacram iusticiam. ,, Improbis, honestas cui deest, ,, Scelus malum qui fouet. Nec mihi domesticus Fiat, nec vnquam congruat Ista patrans.	210	
<i>Hic Chorus videt attrahi Antigone deprehenfam apud cadauer Polyni- cis.</i>		* Mens ob monstrum hoc stupet horrible : Quomodo cernens contradicam, Non Antigone hanc esse puellam? O infelix infelicitis Gnata Oedipodis. quid iam? numquid Publica regni Iura adducunt te violentem, & Facinus conficere repertam?	210 220	
		<i>Carmen Iambicum Trimetrum.</i>		
<i>Nuncius</i>	H	æc ipsa facti est improbi effectrix ; humo Hanc deprehendimus tegentem: at ubi Creon?		
<i>Chorus</i>		En commodè ædibus relictis aduenit.		
<i>Creon</i>		Quid fit? quem habet moderata processum æquitas?		
<i>Nuncius</i>	,,	Mortalibus, Rex, temerè iurandum est nihil: ,, Sperata sæpè fallit euentus sequens. Nam ægrè gradum huc adferre nolentem tuli, Minas pauens, quæ ut turbo iactabant prius. Sed gaudium, quo iam repente perfruo, Longè alia quæuis mole transcendit sua. Venio libenter, (contra iuratus tamèn), Ducta hac sepulcri virgine ornandi rea. Non huc venire * forte propellor data, Verum hoc mihi non alteri lucrum puto.	225 230	
<i>Prius enim fortie- bantur, quis nun- ciaret creonti, ca- dauer Polynicis effehumatum.</i>				Nunc

28 S O P H O C L I S :
Nunc ipse, Rex, hanc pro arbitrato iudica, 235
Et quæstionem habeto: liber omni ego
Sum crimine, hisque dignus exolui malis,
Creon Cur ducis istanc? vnde & arreptam, expedi ?
Nuncius Ipsa hæc virum tumulo dedit, fcis omnia.
Creon Certufne, quodque nuncias compertum habes? 240
Nuncius His orbibus conspexi humanam mortuum,
Quem tu vetabas: num rata & certa eloquor?
Creon Quinam videtur, quouè deprensa est modo?
Nuncius Sic gesta res est. Vt profecti omnes fumus, 245
Terrore, turbidique vexati minis,
Omnem amouentes puluerem, quo mortuus
Obtenditur, putremque nudantes cutem,
Ventis procùl, opacis fedemus vallibus,
(Nè fætor inuitis noceret pestifer)
Vigiles : amaris quique pungebat alium 250
Opprobrijs, si quis labori parceret.
Hæc tracta sunt eoque; donèc æthere
Medio coruscum constitit Phæbi iubar,
Feruorque tepefactos fouebat: Tum statim
Tellure turbo fulmen onerosum eleuans 255
Campum replet, densamque tremefacit comam
Syluæ fonantis, ætheraque vastum occupat:
Nos aeris tulimus latentes impetum:
Post, temporis cessante spacio turbine,
Vix est puella, tinnulam quæ vocem aus
Mœrentis ædidit, velut quandò vacuum 260
Fœtu cubile tristis abrepto videt ;
Sic mortuum postquam illa nudatum aspicit,
Lamenta gemitu fundit educto, malis
Tum deuouet factum patrans cladibus : 265
Post, fert manu bibulum tenella puluerem ;
Ex tinnulo fabri simul gutturnio
Tria mortuo ornando obtulit libamina.
Nos quæque cernentes adibamus. statim
Hanc prendimus facinore stupefactam nihil. 270
Priora, quæque nunc geruntur quærimus.
Omnia palam confessa nil quicquam abnegat.

<D2v>

Mihi

Mihi & voluptati & dolori res fuit :

Meipsum profectò grauibus elabi malis,

Dulcissimum: in luctus amicos ducere,

275

Valdè est molestum: tamen amicis, quamlibèt

Charis, ego propriam salutem præfero.

Creon Te, te volo, caput quæ in solum deflexum habes:

Aifnè te factum hoc patrafte, an abnuis?

Antigone Constantèr aio, nèc illud inficias eo.

280

Nuncium allo- *Creon.* * Tu libero securus exîto pede

quitur. Quoquò velis graui abfolutus crimine.

Iterum affatur * Tu abfcinde prorfùs ambitus, strictim refer,

Antigonem Prædicta moliri, effe nouifti nefas?

Antigone Noui: quid impediret? obfcure nihil.

285

Creon Atq; etiàm eas es aufa leges transgredi?

Antigone Eas bonus nunquam rogauit Iuppiter,

Nec inferùm iustitia Diuorum comes ;

Qui iura ferre femper hominibus solent.

„ Nec tantum ego tua habuiffe rebar ponderis

290

„ Ædicta, vt illa cordibus, cùm fis homo,

„ Natura quæ sculpsit, refigere valeas.

Non dudum & hodiè iura diuorum vigent,

Sed femper horum incognita est æternitas:

Quæ dum violò viri tyrannidem timens,

295

Dijs nolo fana criminis pænas dare.

Agnosco morituram effe ,quid nì ? etfi nihil

Præfatus effes. rupta vitæ ftamina

Si Fata citiùs amputent, lucrum puto.

„ Quifquis miferijs, vt ego, multis obrutus

300

„ Ætatem agit, quì non erit mori lucrum?

Sic iam mihi molesta fata abrumpere

Nullus dolor. Et vna ex parente mortuum

Fratrem feris fi proijci inhumatum finam,

Illis dolorem, his gaudium incuterem leue.

305

Si ftulta nunc commiffiffe videor tibi,

Stultitiæ apud ftultum ferè infimulor rea.

Chorus Mens arguit parente crudeli fatum

Crudeli germen: cædere ignorat malis.

Creon „ Præfracta nimium mens labat facillimè.

310

D 3<r>

Ferrum

	30	S O P H O C L I S .	
<i>Contra perti-</i>	,,	Ferrum rigens & forte, quantumuis tenax,	
<i>natiam</i>	,,	Coctum femèl lambente vulcano vndiq; ,	
	,,	Fractum videre fæpè & abruptum licet.	
	,,	Fræno pufillo Martios cognoui equos	
	,,	Quôcunq; flecti. Neminem efferri nimis	315
	,,	Decet, fuo qui feruus arbitrio caret.	
		Hæc tum sceleribus cæpit effe nobilis,	
		Leges superba quandò protriuit bonas.	
		Poft illud atrox facinus hoc eft proximum,	
		Quòd fe patrafte oftentat, & triumphum agit.	320
		Sim vir ego nunquam poſtea, vir illa fit,	
		Imperia ſic temerata ſi impunè hæc ferat:	
		Si vel forore nata fit, vel fanguine	
		Coniunctiore, ſi vel Hercæo loue.	
<i>* I fmenem quoq;</i>		Nèc illa, nèc * foror horridam effugient necem:	325
<i>ex fola qnamuis</i>		Ipfam quoq; ream capitis arceffam fimul,	
<i>fufpicionem, ad mor-</i>		Confilia quòd cum iftac humante contulit.	
<i>tem condemnat.</i>		Ergò euocate: nam intùs afpexi modò	
		Rabie furentem concita, & animi impotem.	
	,,	Mens ante opus furtiua deprendi folet	330
	,,	Horum, ſcelus qui machinantur clanculum.	
	,,	Odiofus quando in malis quis prenditur,	
	,,	Factum tamen iactare geſtit impudens.	
<i>Antigone</i>		Maiufnè quid vis, quàm neci captam dare?	
<i>Chorus</i>		Nihil quidem: iftud obtinens, habeo omnia.	335
<i>Antigone</i>		Quid fando producis moram? vt mihi tuus	
		Nec fermo nunc placet, aut placebit poſtea,	
		Sic contrà tibi noſter vicifſim diſplicet.	
		Atquì vnde celebre nomen illuſtrem magis,	
		Quàm quòd ſepulcro grata germanum dedi ?	340
		Ab his probari hoc ſingulis certò ſcio,	
		Si non tacitus aftringeret linguam metus.	
<i>* Ironice hoc</i>		Multis * beata alijs tyrannis dicitur,	
<i>dicit.</i>		Tum etiam facere, dicereq; quod libet, licet.	
<i>Creon</i>		Ex omnibus tu hoc fola Thebanis vides?	345
<i>Antigone</i>		Vident & hij ; fed os tibi omnes ſublinunt.	
<i>Creon</i>		Non te pudet, diuerſa quod ab his ſentias?	
<i>Antigone</i>		Nihil pudet colere miferijs obrutos.	
		<D3v>	Nonnè

<i>Creon</i>	Nonnè hoftis vrbi frater e vita exijt?	
<i>Antigone</i>	Ex patre eodem frater & matre æditus.	350
<i>Creon</i>	Quînam viro præftas honores impio ?	
<i>Antigone</i>	Longè aliud exanimum cadauer indicat.	
<i>Creon</i>	Si illum colas, par cum impio in crimen venis.	
<i>Antigone</i>	Frater fupremum obiuit haud feruus diem.	
<i>Creon</i>	Vaftauit hic patriam, ille pro patria ftetit.	355
<i>i. vt om- Anti.</i>	Leges tamen rex Inferûm * æquales cupit.	
<i>nes mor- Creon</i>	, , Non fors bonum malumq; confimilis manet.	
<i>tui fepe- Anti.</i>	Quis quæfo nouit, an Inferi hæc facra æftimant ?	
<i>liantur. Creon</i>	Nec hoftis hic, nec amicus ille vnquam fuit.	
<i>Antigone</i>	Ambos amare, odiffe non foleo fimul.	360
<i>Creon</i>	Ad inferos profecta, fi velis, ama: Non mulier hic imperia me viuo geres.	

Anapeftici.

<i>Chorus</i>	A T pro foribus * ecce Ifmene	
<i>Chorus videt I f-</i>	Madidas fundit lachrimas chara foror:	
<i>menem lacrimofo</i>	Nebula quæ cilia premit, vultum	365
<i>vultu prodeuntem</i>	Fædat rofeum, Spargitq; genam imbre decentem,	
<i>Creon</i>	* Tu me domi latens, tumens quafi vipera	
<i>* Erumpit in con</i>	Clam exorbuiſti: aluiſſe me haud noui duas	
<i>uicia , contra If-</i>	Tum cladium, tum luctuum authores mihi.	370
<i>menem.</i>	Exprime: tunè huius parandi confciam Te ais ſepulcri, an inſciam te eſſe afferis?	
<i>Ifmene</i>	Opus ego confeci, * illa ſi conſentiat ,	
<i>i. Antigone</i>	Tum criminis culpæq; particeps ero.	
<i>Antigone</i>	Hoc æqua te iuſticia prohibebit. * Mihi	375
<i>* Falſo hoc dicit</i>	Nec confulebas, nec ego tecum contuli.	
<i>pro ſalute fororis</i>	<i>Ifmene.</i> Non me tuis refrænât in malis pudor, Quin me fidelem miſeriæ fociam dabo.	
<i>Antigone</i>	Facti reos Orcuſq; Mânẽſq; inferi , , Norunt ; amicam non amo lingua tenus.	380
<i>Ifmene</i>	Nè dedecus tantum imprimas, vt non foror Occumbam, & vna mortuum tecum expiem.	
<i>Antigone</i>	Nè (quæſo) vitam amitte, nec facias tua,	

<D4r>

Aliena

	Aliena quæ sunt : fata sufficient mea.	
<i>Ifmene.</i>	Quæ vita dulcis esse te abrepta potest ?	385
<i>Antigone</i>	Creontem ama : illum serua dominantem cole.	
<i>Ifmene.</i>	Quid pectus angis triste, nec quicquam iuuas ?	
<i>Antigone</i>	Merito dolere cogerem rifus mouens.	
<i>Ifmene.</i>	Quid si tibi hinc ego aliquod auxilium feram ?	
<i>Antigone</i>	Tibi prouide : non mortis inuideo fugam.	390
<i>Ifmene.</i>	Heu : non vtrâq; fati idem abripiet genus ?	
<i>Antigone</i>	Tu vitam adoptasti; mori est votum mihi.	
<i>Ifmene.</i>	Prædictus aliud fermo testatur meus.	
<i>Antigone</i>	His tu sapere videris, & alius ego.	
<i>Ifmene.</i>	Eadem tamen nos culpa iam fontes premit.	395
<i>Antigone</i>	Tu viue felix : Anima iam pridem mea est Extincta, dum pia mortuis opem tuli.	
<i>Creon.</i>	Ex his puellam hanc mente iam captam arbitror, At alteram, ex quo lucis vîra est data.	
<i>Ifmene.</i>	, , Non semper, ô Rex, animus, etiamsi integer, , , Miseris manet, sed sæpè dimotus loco est.	400
<i>Creon.</i>	Tibi, quod patrare cum mala audebas malum.	
<i>Ifmene.</i>	Quid mihi sine hac vitam iuuabit degere ?	
<i>Creon.</i>	Non hæc profatur tibi, supremum agens diem.	
<i>Ifmene.</i>	Tui ferox sponfam necabis filij ?	405
<i>Creon.</i>	Multæ & aliorum nobiles sunt filiae.	
<i>Ifmene.</i>	At nulla ut hæc gnato locatur nuptui.	
<i>Creon.</i>	Gnatis mulieres improbas ego abhorreo.	
<i>Antigone</i>	O optime Hæmon, ut probra obiectat pater ?	
<i>Creon.</i>	Et te, & maritum nimis absorbet dolor.	410
<i>Ifmene.</i>	Num filium hac vxore priuabis tuum ?	
<i>Creon.</i>	Mors inchoatas dirimet vltix nuptias.	
<i>Ifmene.</i>	Ergo ratum est, quod video, decretum mori.	
<i>Creon.</i>	Et tibi quidem & mihi. rumpe iam segnes moras. Quin fertis intro turba famularis ream. Posthæc mulieres faxeo abducentur specu. , , Petunt salutem semper audaces fuga, , , Quando vident infare vitæ terminum.	415

<D4v>

Cui

Carmen Choricum, ac variè mixtum.

Chorus. , , C Vi vita malis vacua eft, fælix putandus :
 , , Sed quibus quaffa eft domus inclyta, cladis 420
 , , Nil relictum eft. in generis
 , , Sobolem redundat ;
 , , Maris perindè vt naufragi tumor,
 , , Quandò Thracijs & in-
 , , fanis nox madida irrui in 425
 , , Profundum flatibus,
 , , Arenam funditùs reuoluit
 , , Mobilem & littoream,
 , , Freto cauæ gemunt petræ frementes.
 Cerno mala Labdacidum domus ruentis 430
 Sempèr grauioribus accumulari:
 Nec priores pofteritas
 Iuuat. Immò Diui
 Vafant, nec vllus finis eft.
 Lux iam in vltima manet 435
 Propagine generis ex Oedipi domo:
 Quam poftthac rapiet cruentus
 Inferorum aculeus,
 Orifq; furor, mentiumq; Erinnyes.
 , , Iouis vim violentia quis 440
 , , Virûm cohibere poffit?
 , , Quam nèc fomnus vnquam retinet quietus,
 , , Nec nobilis incito
 , , Hora gradu, at perpetuò potens eft,
 , , Moderans Olympi 445
 , , Cæruleum nitorem.
 , , Quod adeft, quod & futurum eft,
 , , Et fuit, cedit Ioui.
 , , Nemini omnem per vrbem
 , , Viuo accidit hæc lex, 450
 , , Vacuum effe clade.
 , , Iuuamen variabilis fpes
 , , Afferre folet quibufdam ;
 , , Multis quoq; fraudat cupidos amores.

E<1r>

Anteà

	34	S O P H O C L I S.	
	, , Anteà nil fagaci		455
	, , Eueniet, quam igne pedem comburat.		
	Sapientis illud		
	Nobile carmen extat ;		
	, , Speciem boni malum offert,		
	, , Reipfa tamen eft malum.		460
	, , Mala Deus cui affert,		
	, , Deget minimo tem-		
	, , pore clade liber.		
* venit Hæmon,	* Attamèn Hæmon vltima fobolis		
& cum patre fuo	Propago tuæ, valdè afflictus		465
disputat de morte	Mifera fponfæ foi te futuræ,		
Antigones.	Factum Antigones, viduumq; torum		
	Venit ægro angore gemifcens.		
		A C T V S T E R T I V S.	
		<i>Iambici Trimetri</i>	
Creon	B Reui, fciemus vate quouis certiùs		
	O gnate, nùm decreta cernens coniugi		
	Propofita morituræ in patrem offenfus venis ;		
	An nos opus quodcunq; fabricantes amas.		
Hæmon	Pater, tuus fum; tu inclyto fapientiaè		5
	Splendore pollens me regis ; quem ego fequar.		
	Ego nullius tanti æftimo vxoris torum,		
	Quàm regia vt tu fcepra venerandus geras.		
Creon	, , Sìc, fili, honeftum mente complecti decet,		
	, , Vt nil voluntati paternæ præferas.		10
	Idcirco liberos viri exoptant domi		
	Creareq;, & parère fufceptos fibi,		
	Vt vindices ab hoſte pænas expetant,		
	Officio amicum cum patre obferuent pari.		
	, , Quicunq; fobolem fibi fceleftam procreat,		15
	, , Numquid aliud quàm pectore ærumnas parit		
	, , Suo afperas, rifus proteruos hoſtibus?		
	Nè gnate mentem ex fede dimoueas fua		
	Correptam amoris feruida infani face.		
	, , Quamuis voluptas, felle commifta eft tamen		20
	<E1v>	, , Tori	

	, , Tori mala mulier iugalis particeps.	
	, , Vlcius malo nullum est amico tetrius.	
	Sed impiam hanc fanus puellam respue:	
	Stygio sine alicui traditam Orco nubere.	
	Nàm iura regni comperi hanc ipsam palàm	25
	Ex omnibus foluisse folam ciuibus.	
	Nunquam ore me præstabo mendacem leui,	
	Verùm necabo ; celebret intereà Iouem	
	Fratrem ; scelestos si ferat vel Iuppiter,	
	Sortis ego potius infimæ natos alam.	30
	, , Mihi qui sacra priuatus est iunctus fide,	
	, , Rei quoque ; apparet fidelis publicæ.	
	, , Quicumque ; rectum iuris illidit statum,	
	, , Quique ; impudens iustis refertit fascibus,	
	, , Non laudis a me gloriam celebrem feret.	35
<i>Tyranni vox.</i>	, , Quem ciuitas præfecit, hunc sequi decet,	
	, , Si leuia, fuit iusta, vel fecus imperet.	
	, , Tali probè gestam a viro rempublicam,	
	, , Possè ; benè parère mandato, reor.	
	, , Cùmque ; grauis auidi Martis increpuit fremor,	40
	, , Talis potens & fortis adiutor manet.	
<i>Contra inobedient-</i>	, , Nullum rebellionè maius est malum :	
<i>tiam.</i>	, , Hæc integras labefactat vrbes ; hæc domos	
	, , Deuastat ; hæcque ; Marte medio abrumpere	
<i>Obedientia.</i>	, , Pugnam fuga facit. Tamen obedientia	45
	, , Viris salutem subditis multam parit.	
	, , Ità principes hæc maxima obseruent fide,	
	, , Nec mobilem expugnare mulierem finant.	
	, , Si sit necesse, strenuo præstat viro,	
	Quàm vt mulièri dedisse dicamur manus.	50
<i>Chorus</i>	Ni fallat actæ flexus ætatis, probè	
	Rectè ; quæ dicis, vidèris dicere.	
<i>Hæmon</i>	, , Pater, homines mente imbuerunt numina,	
	, , Rerum omnium quæ principatum solum habet.	
	Ego quomodo hæc non dicta sunt rectè, neque ;	55
	Adhuc scio, neque ; proloqui iam sum potis:	
	Alterius ore potuit efferri benè:	
	In rem tuam reputare cuncta me decet,	

E 2<r>

Quæ

	36	S O P H O C L I S .	
		Quæ quifq; fatur, quæ agit, & arguere poteft.	
		, , Populo loquaci regis aspectus grauis,	60
		, , Dum fatur ea, quæ te audientem mordeant	
		Audire cuncta clanculùm licet mihi,	
		Vt tota mœret hanc puellam ciuitas,	
		Quòd omnium illa muliërum indigniffima,	
		Celeberrimi mortem oppetit facti rea :	65
		Quæ vna ex parente ftrage germanum impia	
		Cœfum, infepultum, nec canum crudelium	
		Morfu perire, nec finet aues pafcere.	
		Non potiùs amplum eft digna münus confequi ?	
		Obscura tacitè hæc fama manat vndiq; .	70
		Tuæ, pater, fi profpero fint res ftatu,	
		Mihi nil poteft accidere preciofum magis.	
		, , Quis gloriæ, florente patre, fplendor eft	
		, , Proli amplior ? vel prole quis patri bona ?	
<i>Contra</i>		Nè moris huius pertinax fis, vt, nifi	75
<i>φιλαυτίαν,</i>		Quod tu facis, rectè nihil factum putes.	
<i>* Solonis dictũeft</i>		, , Quicunq; fefe aut fapere folos venditant,	
<i>γηράσκω</i>		, , Aut mente, lingua aut præditos præ cæteris ,	
<i>δι' αἰ πολ-</i>		, , Hoc fi explices, prodent ineptos fe & leues.	
<i>λὰ διδ α-</i>		, , * Sed difcere virum multa fapientem, neq;	80
<i>σκόμενος.</i>		, , Nimium effe præfractum, probro non ducitur.	
<i>" Duobus famili-</i>		" Dum flumen imbribus auctum hybernis defluit,	
<i>tudinibus elegan-</i>		Arbor decora flexilis furgit coma,	
<i>ter probat, ce</i>		At quæ reluctat ftrata ftirpitùs iacet:	
<i>dendum effe.</i>		Sic nauta nil velum relaxans, fed nimis	85
		Pleni ftrepentem carbaſi extendens pedem,	
		Tranftris rate euerſa fupinis nauigat.	
		Compeſce cæcas mentis iratæ faces.	
		Sapientiæ fi pectore infedit meo	
		Vis aliqua iuuenili, optimum effe hoc autumo,	90
		, , Virum artium in lucem peritum fuſcipi	
		, , Sìn hoc nequit (nèc sìc folet id obtingere)	
		, , Etiam a difertis valdè honeftum eft difcere.	
<i>Chorus</i>		Rex, fi probè hic dicat, decet te difcere ;	
<i>* Hæmonem al-</i>		* Teq; a parente : vtrinq; iam dictum eft benè.	95
<i>loquitur.</i>		<i>Creon.</i> Nos etiam id ætatis fapere docebimur	
		<E2v>	Ab

Ab homine, cui vix barba decorauit genas ?

Hæmon Non est iniquum, ætate quamuis sim rudi.

, , Facta potiùs reputare , quàm tempus, decet.

Creon Quod factum, honoribus scelestos prosequi? 100

Hæmon Non grata iubeo officia præstare impijs.

Creon An non eodem iam illa deprensæ est malo?

Hæmon Non gentis istud turba Thebanæ afferit.

Creon Num ciuitas statuenda præscribet mihi ?

Hæmon Hoccinè vides vt dixeras iuuenis nimis ? 105

Creon Par alterum imperare, non me patriæ ?

Hæmon , , Ea ciuitas non est, viri quæ vnus est.

Creon Nonnè imperatoris putanda est ciuitas ?

Hæmon Terra imperares solus inculta probè .

Creon Mulieris infanus stupor pugnam hanc facit. 110

Hæmon Si tu ipse mulier: cura me mordet tui.

Creon Cum patre natus ibis in ius pessime ?

Hæmon Crudele fæuus crimen admittis palàm.

Creon Crimen putas decreta tutari mea ?

Hæmon Minimè tueris, sacra conculcans Deùm . 115

Creon O indolem impuram, & muliëri subditam.

Hæmon Me a rebus haud cernes subactum turpibus.

Creon Hunc coniugis pactæ ergò sermonem facis.

Hæmon Immò tui, meiç; caufa, & inferùm.

Creon Nunquàm hæc tibi nubet superstes posteà. 120

Hæmon Ergò occidat, certè opprimet aliquem cadens.

* *Creon de se di-* *Creon.* * Num sic minatus dira cinfidens venis ?

ctum putat, dum *Hæmon.* Quænam minæ, mentes inanes alloqui ?

tamen Hæmon se *Creon.* Plorans scies, mens cum tibi fit impotens.

metipsum intelli- *Hæmon.* Nî effes pater, te sapere dixiffem malè. 125

gis. *Creon.* Nè me muliëris verna dictis impetas.

Hæmon. Quiduis loqui, atç; audire nil contra velis ?

Creon. Rectè : atqui (Olympum iuro) lætus aspera

Nunquàm in meum conuitia iactabis caput.

Educite illud odium, vt ante oculos statim 130

Propter maritum debitum fatum ferat.

Hæmon Non ante me, istud semper vt certum tene.

Neç; hanc dabis me propter exitio, neç;

Vultum iutuens lufrabis aspectu meum :

E 3<r>

Vt

	38	S O P H O C L I S .	
	Vt hīc cum amicis remaneas, qui de volunt.		135
<i>Chorus</i>	Difcefsit, ô Rex, bile acerba concitus.		
	, , Talis quidem mens, fi doleat, eft impotens.		
<i>Creon.</i>	Faciat, fapiat, exuperet humanum modum,		
	Nunquam has puellas horrida eripiet nece.		
<i>Chorus</i>	Vtramq; nè trucidare confectum ftudes ?		140
<i>Ifmenen morti</i>	<i>Creon.</i> Non * alteram, quæ non tetigit ; ais probè.		
<i>prius temere ad-</i>	<i>Chor.</i> Quo mortis illam genere tentas cædere ?		
<i>iudicatam,hic</i>	<i>Creon.</i> A plebe prorfum inculta quâ patet via,		
<i>liberat.</i>	Viuam trahens hinc faxeo includam fpecu,		
	Quantum recipiat pugnus, apponens cibi :		145
	Vt tota deuitet piamen ciuitas.		
	Illicq; ditem, quem Deum folum colit,		
	Precata, rigidæ mortis obtineat fugam.		
	Aut tunc breui perfuafa momento fciet,		
	Quòd inferos venerari inanis fit labor.		150
<i>Carmen Chori mixtum ex varijs metri generibus.</i>			
<i>Chorus</i>	, , O Vfq; inuictiffime Amor,		
	, , Amor lues diuitiarum,		
	, , Qui molliculis rofeifq;		
	, , Genis habitas puellæ;		
	, , Tranas fretum, quiq; manes		155
	, , Sedibus agrorum :		
	, , Nec te cœligenarum fugit vllus,		
	, , Nec quifquam hominum. Qui habet		
	, , Te, percitus eft furore.		
	, , Tu enim bonorum, vt mali fint,		160
	, , Trifti quatis pectora clade.		
	, , Et tu quoq; ad arma fratres		
	, , Atrocia concitafti.		
	, , Vincit micans ex oculis		
	, , Gratia defponfæ		165
	, , Nymphæ, Principibus focia, vel ipfas		
	, , Leges. Indomita laf-		
	, , ciuit Venus Aphrodite.		
	Nunc ifta videns præter leges		
	<E3v>	Fieri,	

A N T I G O N E.		39	
	Fieri, vexor; nec lachrymarum	170	
* <i>Communem</i>	Vltrà fontem retinere queo,		
<i>thalamum, id est</i>	Dum * communem video * thalamum		
<i>mortem</i>	Morte Antigonam fubeuntem.		
<i>Antigone</i>	Videte ciues patriæ, videte		
	Iam me iter vltimum in-	175	
	fiftentem, atq; nouiffimum intu-		
	entem folis iubar,		
	Pòft nec vnquam : at omnibus æqualis		
	Me Herebus viuam rapit		
	Vsq; Acherontis vndas, nec geniali	180	
	Iunctam toro ; mihi nec celebrem		
	Quifquam Hymenæum		
	Decantat; imò Acheronti nuptura.		
<i>Chorus</i>	Nempè vel omni laude fuperior,		
<i>Chorus eam con-</i>	Squallida mortis tecta fubîto.	185	
<i>folatur, fed argu-</i>	Nec tabifico morbo extincta,		
<i>mentis ineffica-</i>	Nec dum gladio transoffa truci,		
<i>cibus.</i>	Sed viuentûm libera fola,		
	Forti pete Tartara grefsu.		
<i>Antigone</i>	Accepi acerbam Nioben periffe	190	
	Ex Phrygia, fatam		
	Tantalo, ad Sipyli cacnmen.		
	Quam, vt ambiens hedera,		
	Domauit marmor rigidum. quam li-		
	quefcentem imbribus, (vt	195	
	Fama hominum eft) cana nix deferit nunquam;		
	Collefq; lachrymis diftillans		
	Irrigat. huic iam		
	Fortuna me fimilem malè euertit.		
<i>Chorus</i>	Atqui illa Dea, et prognata Dea :	200	
	Nos mortales mortaligenæ.		
	Cum Dijs paribus, licet extinctam,		
	Mirum auditu eft, te æquale pati.		
<i>Antigone</i>	Heu irrideor. Quid, mihi per,		
	Deos Penates	205	
	Non magè iacenti illudas quàm fuperanti?		
	O patria, ô patriæ		
	<E4r>		Viri

	40	S O P H O C L I S.	
	Viri valdè opulenti :		
	O Dircœi fontes, &		
	Thebarum nobilium nemus ; vos	210	
	Teftes miferæ mihi appello,		
	Ipfis vt ab amicis, quibufq; legibus,		
	Infleta, inaudito fepul-		
	chro, fquallido abftrudor fpecu.		
	Heù, infœlix : nec	215	
	Defuncta, nec fuperftes putanda.		
<i>Chorus.</i>	Nec Inferis, nec cum his qui fuperfunt		
	Habitans, nefandum aufaq; fcelus,		
	Pœnas luens, ergaftulum		
	Cecidifti in altum filia.	220	
	Patris quandam fubis miferiam.		
<i>Antigone</i>	Attingis (heù) tabificos		
	Mihi dolores,		
	Patris miferafq; clades,		
	Præteritum quas	225	
	Intulerat fatum		
	Thebanos apud acres.		
	Eheù maternum crimen		
	Lecti, incœftiq; concubitus		
	Cum patre miferimæ matris :	230	
	Ex quibus ego fata fum, quondam beata;		
	Ad quos acerba hofpes iàm eo		
	Innupta & execrabilis.		
	Heù frater, infœlices		
	Adeptus thalamos, mihi qui	235	
	Tua nece affers necem forori.		
<i>Chorus.</i>	„, Præftare pietatem pium eft :		
	„, At fceptra, cui regnum obtigit,		
	„, Violare nequaquam licet.		
	Sed perdidit te affectus amens.	240	
<i>Antigone</i>	Infleta, folaq; fine Hymenæo		
	Infœlix raptor		
	Mortis ad propatulam viam.		
	Nec mihi lampadis ætheriæ		
	Iubar hoc videre fas pofthàc.	245	
	<E4v>		Meam

Meam nemo flet illacrymatam
Ruinam amicus.

Iambici trimetri.

<i>Creon</i>	N	On fcitis, ante f nus vt mœftos modos	
<i>ræpat lictore s</i>		Luctufq; nemo comprimat, fi fas loqui ?	
<i>non abducāt</i>		Quñ hanc mora rapitis remota , & abdito	250
<i>lam.</i>		CircumPLICantes vndiq; (vt fatus) fpecu ;	
		Ibiq; folam linquitis, fiuè occidat,	
		Seù vitam eo conclufa monumento colat ?	
<i>Pilati puritas.</i>		Sic, qñantum ad hanc , nos labe * puri noxia.	
		Nec illa pòft fedes fupernas incolet .	255
<i>Antigone</i>		O tumule, ô antrum, ô lapide perfoffo domus,	
		Cuftos perennis, quó femèl greffum ferens ,	
		Meis fruar, iam clade quorum maximum	
		Torua numerum deglutijt Proferpina ;	
		Quorum vltima ego fum , quæ (malum) diem antea	260
		Claudo fupremum, fata quàm vitæ exeant .	
		Spes firma, fi abeam, pectus inuafit meum ,	
		Charam profecturam patri, & charam tibi	
		Mater, tibi charamq; germanum caput.	
		Nam mortuos vos propria laui manu,	265
		Magnificum & ornatum dedi , tum funebres	
		Mœfta attuli inferias . At ô Polynices, hoc	
		Iam præmium habeo funus exornans tuum.	
		Rectè hoc decus tuliffe fapientes putant.	
		Soboles mihi fi adfit parenti plurima,	270
		Si mihi maritus lue periffet tabida,	
		Nunquàm iftud inuitis periculum ciuibus	
		Ingrededer. hæc quæ ratio prolectat loqui ?	
		Nam mihi marito adeffet extincto nouus,	
		Proleq; vir alius fereret ablata nouam ; At	275
		Parente vtroq; orco receptis, quis nouum	
		In pofterum generare germanum poteft ?	
		Tali te honorans fratris occifum manu	
		Pacto, Creonti immane flagitium putor	
		Crimenq; dirum aufa effe , germanum caput.	280
		F<1r> Nuncq;	

Nuncq; ad necem sic manibus apprenfis rapit,

Sine thalamis toroq; nec iunctam viro :

Nec læta fobolis turba matrem amplectitur.

sed orba amicis sic miserijs obruta,

Viens ad ima trudor Inferni loca ;

285

Quàm ex legibus transgressa diuinis nihil ?

Quid ad Deos misera alleuarem lumina ?

Quemuè fociorum iure posthac alloquar ?

Etenim reporto iniqua pietatem colens.

Quòd si Deum cenfura iusta esse hæc probat,

290

Veniam libentè crimine obstrictæ damus ;

Sin crimen horum est , plura caueant nè mala,

Quàm in me intulerunt, iure cogantur pati.

Anapestici.

Chorus E Tiamnum animos feruat eodẽm,

Veteraq; minax fundit stomachus ?

295

Creon Certè famulis, hanc qui abriperent,

Tarda excutier mora ploratum.

Antigone Hei mihi ; morti proxima vox hæc

Pectus penetrat .

Chorus Vos nequaquam sperare hortor,

300

Non supplicium hoc sic constituendum.

Antigone O Thebanæ terræ vrbs patria,

Et penates patrij,

A lictoribus vi Rapior, mora nulla retardat.

abducitur. O Thebarum perspicite duces

305

Me reginam folam reliquam,

Quæ perpetior, cuiusq; manu ,

Iustam propter pietatem.

Carmen Chori vt folet, varium.

Chorus T Vlit infirmum Danaës corpus

Confolatur eam Mutare iubar carcere ahæneo

310

Chorus ab exem- Solis. Namq; ligatur

plo Danaës Clàm tumulari inclufa receffu

<F1v>

Atqui

	Atqui & clara est stirpe profecta, Et prægnans Iouis auri Sobolem aluo condidit.	315
	, , Fati maxima virtus, validæ & vires: , , Nec imber ipsam , aut Mars ferox, , , Nec Turris alta, nec ratis , , Salo incedens vitare poscit.	
<i>Aliud adducitur exemplū Lycurgi.</i>	Lycurgusq; fatus stirpe Driantis Thracum rex, grauiter fulminea Bacchi plectitur ira, Parsim carcere faxeo sepius ; Crescens & vehemens sic animi feruor Confedit rabie. Illum	320 325
	Rabies corripuit, Cum Bacchum impeterat conuictus prauis. Cessare fecit Mænades, Bacchiq; restinxit faces ; Canoras quoq; Mufas lacepsit, Tum propè Cyaneas maritimas petras, Gemini & maris Littus Bosphorium, Atq; Thracum Salmydessus,	330
<i>* intelligit Ple- xippum et Pandi- onem, quos excæ- cavit nouerca.</i>	Ibi Threicius Mars cum * vtrifq; Phinidis Viderant graue vulnus, A coniuge impositum feroci, Orbatum vtrifq; luminum iure orbibus, Projectione hastilium cruenta, Atq; radiorum impetu disruptum.	335 340
<i>Matris, id est, Cleopatra.</i>	Postea liquefacti miseri Miserum statum Flebant * matris aue Thalamis iunctæ finifra. Quæq; ex veteri ortum genere Duxit Erechthidum Umbriferis in antris ; Ea alta iuxta est patris procellas, Nata Boreæ, qui est rupe decliui celer, Satus Dijs. Fata quin & illam	345 350
	F 2<r>	Longæ/

Longæua complexa funt latentem.

A C T V S Q V A R T V S,

Senarij Iambici.

<i>Tirefias</i>	T	Hebane rex, en publica adfumus via,	
<i>Alloquitur Chorum & Creontē.</i>		Duo unius gradum ferentes lumine.	
<i>Creon</i>		Cæcus viam ignotam ex duce instat præuio.	
<i>Tirefias</i>		Quid nuncias longæue Tirefia noui ?	
<i>Creon</i>		Ego docebo, tuq; vati obtempera.	5
<i>Tirefias</i>		Vnquàmne ego confilia reieci tua ?	
<i>Creon</i>		Rectè igitur ad clauum sedens vrbem regis.	
<i>Creon</i>		Herclè ipse fateor, me iuuasti plurimum.	
<i>* Id est, in fumo periculo.</i>	<i>Tirefias.</i>	Rurfus age, fape, ftans * in acie nouaculæ.	
	<i>Creon.</i>	Quid ? fare : vox me horrore perfudit tua.	10
<i>Tirefias</i>		Certò scies, signa artis excipiens meæ ;	
		Antiqua in arce dum egerim auguria fedens,	
		Probus vbi fuit auspicia captandi locus	
		Ignotum aues tum voce fundentes fonum,	
		Clanxêre tanquam œstro maligno percitæ,	15
		Et inuicem fefe vngue lacerârunt fero.	
		Cædem arguebat strepitus alarum euidens.	
		Pauore quaffus cuncta quò vergant timens.	
		Flagrantibus facram appuli aris victimam,	
		Ex hostia vulcanus in tenebras abit :	20
		In cinere tabuit artuum fanies fluens,	
		Flammamq; fumo respuit surgente, tum	
		Effusa sparsim humi iacebant viscera,	
		Adipem labans spernebat iniectam femur,	
		Monstrauit istæc cuncta præcedens puer	25
		Obscura sacri signa monstrofi mihi.	
		, (Namq; hic mihi dux est puer, ego cæteris.)	
		Vrbi tua hoc mens praua discrimen parit.	
		Altaria, atq; coelitum sacri foci	
		Scatent comesto vulturum & canum cibo,	30
		Mifero Oedipi nondum sepulto filio.	
		Nec Dij pias litationes hactenus,	
		Nec artuum flammæ nigrantes sustinent;	

<F2v>

Mæftæ

Mæftæ nec argutos aues ædunt fonos,
 Paftæ nefandas cædis humanæ dapes. 35

Hæc vſq; fili mente verſentur tua:
 ,, Hominibus eſt errare commune omnibus :
 ,, Sed culpa poſtquàm admititur, non ampliùs.
 ,, Stultus nec infœlix homo eſt, qui noxio
 ,, Non pertinax malo mederi nititur. 40

,, Nam pertinacia dura ſtultitiam arguit.
 ,, Sed cede mortuo, iacentem pungere
 ,, Noli : necare mortuum quæ immanitas ?
 ,, Studens tuæ hæc dico ſaluti : a beneuolo
 ,, Vtilia ſi promas, iuuabit diſcere. 45

Creon Omnes velut ſcopum petentes, ô fenex,
 Iam tela colliniatis in noſtrum caput.
 Non me iſta diuinatio expertum latet,
 Factioq; ſpretum veſtra vendidit diù.
 Lucramini, diuendite electro hoc caput, 50

Seù fardico, feù auro velitis Indico
 Nunquàm illum humo condetis iniecta tamen ;
 Non, ſi Iouis aquilæ velint abreptum eum
 Vt prædam ad altos proijcere Iouis thronos.
 Nec, vt piaculum hoc paueſcens horridum, 55

Dari ad ſepulturam finam. Scio probè,
Creon ſuſpicatur, ,, Lædare Deos mortalium nemo poteſt
Tireſiam pecunia ,, Multi diſerti, ô Tireſia, turpiſſimis
corruptum eſſe. ,, Labant ruinis, quando lucri gratia
 ,, Turpem ore fermonem polito fabricant. 60

Tireſias Heù, nemo ſcit mortalis hoc ? nemo explicat ?

Creon Quam rem ? quid hoc commune dictum obnunciat ?

Tireſias ,, Opulentiam ſummam eſſe conſilium bonum.

Creon ,, Damnum eſſe maximum rudem inſipientiam.

Tireſias Hic te proſectò morbus oppreſſum tenet. 65

Creon Acerba nolo obijcere vati opprobria.

Tireſias Atquè obijcis, me falſa proloqui afferens.

Creon ,, Vatum omne diuitiarum inexplabile genus.

Tireſias ,, Tyrannicum genus omne turpi lucro hiat.

Creon Num Principem noſti eſſe, dicta in quem iacis ? 70

Tireſias Noui : hanc quidem vrbem mea ope feruaſti integram.

F 3<r> Prudens

<i>Creon</i>	Prudens es augur valdè, at iniusto fauens.	
<i>Tirefias</i>	Me ex pectore haud mouenda cogis proloqui.	
<i>Creon</i>	Moue, loquere, lucri modò haud adigat fitis.	
<i>Tirefias</i>	Siccinè lucro me mens tua impulfum æstimat ?	75
<i>Creon</i>	Nunquam animum habebis (fcito) venalem meum.	
<i>Tirefias</i>	At fcito tu : Non ampliùs multos rota Solis diurnos rapida ducet circulos, Ex liberis vnum antequam ipse mortuum Inuitus in locum peremptorum dabis :	80
	Quòd obrutos fossa abdita viuos habes, Animamq; tumulo honoris expertum locas : Tum etiam, Inferùm quòd forte vacuum debita, Et funere, & iuftis carentem contines, , , Quod nec tibi, nec Dijs fupernis fas erat.	85
	Sed (pefsime) iftæc scelere violantur tuo. Horum ergò tendunt in tuum infidias caput Vltricum iam turba Furiarum horrida Vt tete in ipfis obfitum prentant malis. Tecum hæc puta ; tentatus an precio fidem Dico. Haud erit prolixa temporis mora, Cùm tua tuorum perftrepet luctu domus. Infenfa valdè fiet vrbs quæuis tibi, Quamcunq; trux canum aut ferarum polluit Laniatus, aut rapax volucris putido	90
	Fœtore facros vrbis inficiens Lares. In te dolentem talia, quafi arcu potens Emifi acerbi firma cordis fpicula, Quorum haud vales effugere feruentem impetum.	95
<i>* Puerum fuum affatur, a quo du- citur.</i>	Nos ergò, * fili, fine mora hinc abduc domum : Stomachum * ferocem in iuniores euomat, Linguaq; pòft difcat alere proteruam minùs, Mentemq; , quàm nunc, corde meliorem gerat.	100
<i>* Hic id eft Greõ</i>		
<i>Chorus</i>	Difcefsit ô Rex, horridas iactans minas. Cognouimus certè, capillum ex quo nigrum Ætas mihi in canos fenefcens tinxerat, Hunc nunquàm in vrbem vana præfatum hactenùs.	105
<i>Creon</i>	Noui ipse : & hinc mens trepida turbatur mihi. Concedere eft graue : at reluctantem tamen	
	<F3v>	Animum

	A N T I G O N E.	47
	Animum aspera clade opprimi grauifissimum.	110
<i>Chorus</i>	Imò ô Creon nunc confilio est opus bono.	
<i>Creon</i>	Quid exequi ergò debeam ostende, obsequar.	
<i>Chorus</i>	Statim hinc profectus virginem effosso specu Emitte, tum bustum perempto construe.	
<i>Creon</i>	Hæccinè probas & author es concedere ?	115
<i>Chorus</i>	Quàm, Rex, celerrimè. Incito præceps gradu , , Malos Deûm vindicta concidit viros.	
<i>Creon</i>	Heù, vix adhuc a pristina mente abstrahor, , , Vt hoc agam. At fato haud repugnandum graui.	
<i>Chorus</i>	Hæc perfice abiens, nè quid inceptes noui.	120
<i>Creon</i>	Sic gradiar vt possum. Ergò vos satellites, Quotquot iam adeptis, dexteris securibus Armatis, & in locum æditum procedite. Quandò huc trucidis deflexus est animi rigor, Soluam ipse præfens, qui prius constrinxeram. Namq; vereor, nè constituta iura dum Retineo, non fit optimum vitam ædere.	125
<i>Carmen Chori, vt alijs in locis, mixtum.</i>		
<i>* Id est, Semeles Cadmi filia.</i>	<i>Chorus.</i> Celeberrime, * Cadmeiæ Nymphae decus summum, Iouis-	
<i>Chorus Bacchum inuocat, vt rebus afflictis opem fe- ///.</i>	q; grauifoni genus , Qui nobilem foues Italiam, regisq; com- munem agrum Eleufinium In Cereris campo ; ô Liber Baccantum metropoli Thebis Habitan, madidum ad Ifmeni Fluuium, atq; ferox Iuxta genus draconis. Radians bifido Parnaf- fo viderat te fumus v- bi Coryfiæ nymphæ Palare Bacchides Castaliæ ad fluentia. Te- q; frondentes hederis	130
		135
		140
	<F4r>	Niffææ

	48	S O P H O C L I S.	
<i>Niffa eft mons</i>	Niffææ ripæ, & florens littus		145
<i>Phocidis, Baccho</i>	Racemiferum lætis		
<i>facer.</i>	Cantionibus effufis mittunt		
	Thebani Ducem foli potentem.		
	Quam ex vrbibus cunctis		
	Amas, ictam Semelen		150
	Ob parentem fulmine.		
	Iam ergò quando tota vrbs		
	Violento confringitur		
	Malo, veni precor		
	Salutari pede Parnafium		155
	Iugum linquens, aut gemebundum		
	Aequor.		
	O ignis micantûm		
	Dux fyderum, & qui nocturnis		
	Cantionibus præes,		160
	O Iouis foboles,		
<i>Naxus infula eft</i>	Properato Naxijs		
<i>facra Baccho.</i>	Cum comitibus citò, &		
	Thyadibus, quæ quandò furunt,		
	Nocte te in-		165
	tegra Principem celebrant Iacchum.		
A C T V S Q V I N T V S.			
<i>Iambici Senarij</i>			
<i>Nuncius</i>	O	Incolæ Cadmi, domufq; Amphionis,	
<i>Triftifima fabu-</i>		, , Vitam hominis, antequàm effluit, nec laudibus	
<i>læ catastrophe.</i>		, , Efferre, nec culpæ quis meritò poteft.	
		, , Nam femper & fortuna fœlicem erigit,	
		, , Et denuò Fortuna miferum deprimit.	5
		, , Nec vlla rerum auguria certarum fcio.	
		Mihi beatus vifus eft olîm Creon,	
		Quando hoftium è terra hac cruentam vim expulit.	
		Obtenta patriæ fceptra folus rexerat,	
		Florens celebri liberûm propagine :	10
		, , Nunc cuncta pereunt. Nam voluptates (viri)	
<i>* Hic verfus in-</i>		, , Cùm deferant, * non ampliùs quenquàm æftimo	
<i>teger deerat in</i>		<F4v> , , Vitam	

<i>noſtris exempla-</i>		A N T I G O N E.	49
<i>ribus Græcis,dum</i>	, , Vitam agere, fed viuum cadauer cenſeo.		
<i>admonitione loa-</i>	, , Eſto domi fortuna, ſi vis, ſplendida		
<i>chimi Chamera-</i>	, , Vitamꝑ; tibi regalis illuſtret nitor,		15
<i>rij ex Athenæo</i>	, , Hoc ſi abſit, his cum gaudio lætè frui,		
<i>reſtitutus erat.</i>	, , Fumi vmbra ego reliqua præ voluptate hæud emam.		
<i>Chorus</i>	Quas afferens iam regis ærumnas venis ?		
<i>Nuncius</i>	Sunt mortui : ſunt cauſa, qui viuunt, necis.		
<i>Chorus</i>	Et quis trucidat explica, & quis occidit ?		20
<i>Nuncius</i>	Hæmon ſua ictus dextera lætho occubat.		
<i>Chorus</i>	Vtrùm paterna læfus, an propria manu ?		
<i>Nuncius</i>	A ſe ipſe, coniugis ob necem infenſus patri.		
<i>Chorus</i>	Vt verba vates vera es effatus nimis.		
<i>Nuncius</i>	Sic res habet : nunc alia meditari licet.		25
<i>* Hanc Euridi-</i>	<i>Chorus.</i> At cerno iam miſerrimam * Eurydicen toro		
<i>cen Heſiodus He-</i>	Iunctam Creonti : ex ædibus vel mortuo		
<i>niochen vocat.</i>	Quiddam audiſt de filio, vel caſu adeſt.		
<i>Euridice</i>	Sermonis, ô ciues ego accepi ſonum		
	Ædem Mineruæ Palladis ſacram petens,		30
	Vt veni amenam precibus appellans Deam,		
	Duræ recludens ferream portæ feram,		
	Et cladiſ aures perculit domeſticæ		
	Strepiſ: ad imam prona tellurem cado,		
	Famulæ timent, me pauidus oppreſſit ſtupor.		35
	Sed rurſûs expedite quicquid ſit mali ;		
	Non calamitatum ignara cuncta exaudiam.		
<i>Nuncius</i>	Ego, ô Domina Regina, coram proloquar,		
	Nec præteribo veritatis quippiam .		
	Mollire te quid moliar, cùm poſtea		40
	, , Fallax ero ? Res recta ſempèr veritas.		
	Ego tui ſectabar in campum pedes		
	Mariti, vbi deforme Polyniciſ ſitum		
	Erat cadauer canibus erofum feris.		
	Primum triſformem Hecaten precati, noctis &		45
	Dirum arbitrum, beneuoli vt iras comprimant ;		
	Pura hunc aqua lauamus : effractis recèns		
	Ramiſ, necati reliquias exuſſimus:		
	Terræꝑ; buſtum fabricantes eminens,		
	Rurſum ad puellæ lapide conſtructum aſpero		50
	G<1r> Thalamum		

Thalamum profanæ mortis ingredimur cauum.

At vocis altos eiulatus eminùs

Quidam propè ad thalamum sepulchralem audiens

Rapido Creonti monſtrat aduentans pede.

Huic ocyùs dum properat, infanæ ſonus 55

Vocis ſtrepit , pòſt corde lacrymoſo gemens

Hoc trifte verbum emittit. ô infelix ego ;

Sumnè ipſe vates? numquid infaufiſſimam

Hanc omnium, in quas me dedi, ingredior viam ?

Vox filij pectus quatit. fed concito 60

Famuli gradu properate & aſtantes propè

Aſpicite faxeam aggeris compaginem,

Limen ineuntes carceris : vel Hæmonis

Vocem audio, vel Dij mihi errorem offerunt.

Hæc conſpicati Regis ex iuſſu fumus 65

** id eſt Antigonē* Animo cadentis. * Hanc receſſu in intimo

Ceruice vincta penfilem conſpeximus,

Zona tenaci aut findone obſtrictam gulam,

** id eſt Hæmon.* Atquì * ille mediam mulierem amplexus iacet,

Sponſæ grauem pendentis interitum gemens, 70

Dirig; facta patris, & miſeros toros.

Vt vidit hos planctu aſpero exhauſtus pater,

Irrumpit intrò : fletu apud ſefe ædito

Clamat ; nefas ô quale conflaſti miſer ?

Quid cogitas ? cur clade temet conficis ? 75

Egredere fili, en ſupplices tendo manus.

Illum feroci natus aſpectu intuens,

Et reſpuens vultu, ore compreſſo, truci

Enfem manu diſtrinxit ancipitem ; patre

Iſtum fuga vitante, fruſtratus ferit. 80

Deinceps ſibi infeſtus miſer, medium obuio

Immergit enfem latere : pòſt in flexilem

Adhuc ſuſperſtes virgini amplexum ruit ;

Ex imo anhelans efflat eductum halitum,

Alto cruentum ex ore fanguinem vomens. 85

Sic mortuam extinctus premebat, nuptias

Cæca miſer fortitus Inferni domo;

Eurydice dolore , , Facto indicans, quàm turpe ſit, quàmq; improbum

victa domum fe <G1v> , , Præceps

recipit. , , Præceps temeritas rebus humanis malum.

Chorus Quid hinc potes conijcere ? iam mulier abit, 90
Bonum priusquàm effatur, aut verbum malum.

Nuncius Et me quoq; inuadit stupor : spe tamen alor,
Quòd filij cladem audiens, non publicè
Lamenta profundet, fed intùs in ædibus
Sobolis acerba fata cum ancillis gemet. 95
Non tam illa læuæ est mentis vt peccet palàm.

Chorus , , Ignoro : mihi nimium filentium graue
, , Portendit aliquid. Verba frustra hinc fundimus.

Nuncius Quin irruamus, nè cor ira percitum
Clàm immane quoddam facinus occultet, domum 100
Totam peragrantes. ais quidèm probè,
, , Nimij miseria vřq; est filentij comes.

Anapestici.

Chorus A Tquì, en, fert hinc Rex ipse gradum
Gnatum exanimem dextra apportans.
Dicere fi fas, non ex alio est 105
Clades ; culpa at penes ipsum est.

*Carmen Choricnm variè mixtum ad finem vřq;
Tragediæ , interfertis multis & Senarijs ,
& Iambicis , & Anapesticis.*

Creon Heu mentis incallidæ
Creon apud Cho- & errata pergrauia,
rum sua facta de- & exitialia. Heu qui necant,
plorat. Necatofq; qui cog- 110
natos vident.

O incepta iam meis in-
faustissima.
O fili tener tenellæ adiacens,
Heu , oh e : 115
Moreris, occidis,
Mea, non tua , truci amentia.

Chorus Vt ferò quod iustum est videris cernere ?

G 2<r>

Tandem

	52	S O P H O C L I S.	
<i>Creon</i>	Tandem miser cognosco. iam nostrum in caput Deus, calamitate me graui premens, Intonuit, & me clade concussit mala ; (Heu) ciuium commune remouens gaudium Eheù : , , O asperi labores virûm.	120	
<i>Famulus</i>	Rex aduenis quasi malorum possidens, Partim in manu, partim afferens, partim ædibus , Redis miser, nouaq; ista vifurus mala.	125	
<i>Creon</i>	Num peius etiamnûm, aut malorum est amplius ?		
<i>Famulus</i>	Vxor necatæ prolis infelix parens Extincta dudum vulnere inflicto iacet.	130	
<i>Creon</i>	O , ô domus Tartari Nefanda, quid me conficis luctu fenem ? Eho dolores mihi af- ferens pefsimos, quid affers mali ? Væ : perditum antea nescisti virum. Profare ô ferue, quid hoc quod nuncias noui est ? Væ, væ, væ : Sobolis ad necem Ferox coniugis fatum esse additum ?	135	
<i>Famulus</i>	Cernere licet. Nam non humata est hactenûs.	140	
<i>Creon</i>	Hei mihi : Etiam secundus aliud malum cerno miser. Quod ergò, quod me iam manet fati genus ? Natum cruenta defero infelix manu, Ipsamq; video flebili extinctam nece. Heù mater misera : heù fili.	145	
<i>Famulus</i>	Illa ense transsossa, illa circum altaria Premit venustas palpebras. lugens quidem Prius celebrem Megarei absumpti torum		
<i>* Id est Hæmonis</i>	Post * huius obitum, dira postremò tibi Fata imprecatur prolis extinctæ reo.	150	
<i>onre C</i>	Heù, heù, Eheù : Metu diftrahor. Quid hoc pectus ne- mo mortifero ense traiecit ? æ- rumnifus ego : heu , heù.	155	
	<G2v>		Ærumnofa

Ærumnosa me calamitas premit.

Famulus Horum quasi culpam malorum fuftinens,
Ob virginis fatum impium pœnas luis.

Creon Quo diffoluta in cæde coniux est modo ? 160

Famulus Ipsa proprium mucrone tranffixit iecur,
Vt filij lacrimabilem accepit necem.

Creon Heù : harum fœda cladium a me nota
In alium nequit referri virum ;
Ego te, ipse ego perêmi. ô miser. 165

Ratum ipse eloquor. Ehò feruuli,
Rapite me citò, abripite me hinc procùl,
Qui non sum magis, quàm qui nullus est.

Chorus Lucrum imperas, si quid lucri sit in malis :
, , Nam quæ breuifsima in malis, sunt optima. 170

Creon Veni, veni,
O optata mors, meorum optimè
Ferens vltimum malorum diem :
Tandèm veni , veni ,
Vt haud alia lux mihi appareat. 175

Famulus Sunt hæc futura ; at iam quid hæc facere est opus ?
Curent quidem, curare quos iftæc decet.

Creon Sed quæ loquor, sunt maximè in votis mihi.

Famulus Nè nunc preceris quippiam. nunquàm malum.
, , Fatale quifquàm effugere mortalis poteft. 180

Creon Virum abripite perditum me hinc procùl,
Qui te ô gnate non volens neci dedi :
Teq; coniux. Heù me miserum, nescio
Priùs quem aspiciam, aut quo curfu properem.
Nam cuncta ceciderunt mihi partim in manus 185
Obliquè, & hoc partim in caput :
Totumq; Diui forte me mactant graui.

Chorus , , Prima beatæ pars est vitæ
, , Multum sapere : valdè in Diuos
, , Nocet impietas, magnam elati 190
, , Pœnam ob grandia verba luentes,

Ictus piscator fa-
pit ; & Homer⁹.
ῥεχθὲν δέ τε
νύπιος ἔγνω.
, , Sapere extrema
, , Tandèm didicere fenecta.

F I N I S A N T I G O N E S .

<G3r>

Ad

Ad EVNDEM ILLVSTRIS.

ARVNDELLIÆ COMITEM

Octaftichon.

H *Æc mea fi quicquam placuit tranſlatio, Cômes*
 Inclyte ; materies aut bona fi qua fubeſt :
 Hæc mea pompa fimul placeat profitq̃ legenti,
 Quam totam Antigones fabula triftis habet.
 Infupèr appofui pompis , quae digna notatu, 5
 Themata ; quæq̃ probes vtilitate fua.
Tu dignare igitur vultu luſtrare benigno,
 Quod dedit ignoti Muſa benigna viri.

Veſtri honoris ſtudioſiſſimus

Tho. Watſonus.

P O E T A.

P Er omne ſcriptorum genus ſapientia
 Diuina ſerpit : illa communis libro eſt
 Cuiq̃; & arti iuſta materies: In hac
 Verfantur omnes, & fuum ſtudium locant.
 Tamèn relucet clariùs nuſquàm , bona 5
 Quàm ſub Poëſi ; quæ loquens dici poteſt
 Pictura in hominis mente virtutem imprimens.
 Quò propiùs ipſam videris, pulchra eſt magis ;
 Speciem bonorum ſignat in mente, & viæ
 Rectæ magiſtra corrigit vitæ malum. 10
 Natum eſt Poëma, vt mentibus noſtris ferat
 Opem, vagofq̃; vt tollat errores : in hoc
 Conficta vitæ debitum noſtræ docet
 Perſona curſum ; quid decet, quid non ſequi.
 Velut hìc acerba clade proſtratus Creon 15
 Suis apertè prodit ærumnis, malum
 Quàm fit nefandum dura mens, animi & rigor
 Inflexus : in quem nulla vis, ratio, minæ
 Valent, ſed animo ſempèr incepto tenax
 Inhæret. Hanc rem pompa monſtrabit ſequens. 20

<G3v>

Iuſticia.

IVSTITIA, *cum sceptro.*

Prima I Vdex habenas folus imperij tenens
Pompa Sum pacis author, fumq; caufarum arbiter ;
 Ego regna & vrbes legibus fanctis rego ;
 Iubente me omnes omnium crefcunt opes ;
 Veteres reuello fortis iniurias ; graues 5
 Compono lites ; regulam fcriptam fequor,
 Seù exorno honeftos, feu malo fontes premo.
 Sed fæpè ab iftis diftrahor nolens, volens ;
 Hìnc Æquitas, hìnc dirus abducit rigor ;
 Ancepsq; dubito quid fequi præftet. fed hìc 10
 Audire, quæ me iam petit ratio, libet.

ÆQVITAS, *mulier cum bilance.*

E Go media inter ius licentiamq; eo,
 Benignitatis Æquitas femper comes.
 Etsi colam ius maximè, rectè tamèn
 De iure fummo mitigo quantum licet, 15
 Et caufa quotiès flagitat bona. Tempero
 Memet ego, & ardens abripit nufquam furor.
 Si fit neceffe, muto iudicium datum,
 Aut si vfus alitèr poftulet rectus . graui
 Multum remitti lenitèr pænæ decet. 20
 Quin Domina, famula fimi tibi : multum bonus
 Iuuabit animus in re iniqua. Patriæ
 Per me falutem, rebus afflictis opem
 Feres; quietam ciuibus pacem dabis.
 Namq; vt minifter legis eft quifquis præeft, 25
 Sic dominus eius fubdita eft arbitrio.
 Hærere fcripto mordicùs minimè licet.

RIGOR, *vir cum gladio.*

Q Vn lenitas hæc mentis eft ftultæ nota,
 Scelufq; prauum crefcere in peius facit.

<G4r>

Imò

56 POMPA ANTIGONÆA.
 Imò tuetur Principem inflexus Rigor , 30
 Linguas, malumq; candido ferro premens.
 Custos fidelis feruat imperium metus.
 Labefactat vrbes fola spes veniæ ; femèl
 Si detur, aliud maius irritat malum.
 Quisquis remittit , transgredi leges docet. 35
 Fouet scelus qui punitægrè. Iudicis
 Boni est feuerè perfequi sententiam ,
 Normamq; scriptæ legis. Indulgentia
 Quàm fæpè magnas ciuitates perdidit ?
 Quot regna turpi ditia æquauit folo ? 40
 Parêre dicto qui recufat pertinax
 Tollatur ense vindice, extinctus cadat.
 Exempla cunctis æde. Nullius minis,
 Nec te querela vocis inflecti finas.
 Sic me Rigore regna confirmes tua. 45

IVSTITIA.

H Ic fermo præfat : vtar hîc ferro tuo ;
 Tutufq; nemo iura calcabit mea.

OBSTINATIO, *vir cum lorica.*

A Damante durius cor Obstinatio
 Pofideo : ferrum temnoq; & flammam rigens :
 Inuia fagittis pectus obstringit meum 50
 Lorica : non me læthifer domat chalybs ;
 Nec furda molles ora blandiciæ mouent ;
 Saxum refultat, refpuitq; ictus meos ;
 Vultufq; noſtri eſt fempèr inuictus color.
 „ Proles Rigorem dura genitorem fequor. 55

IMPIETAS, *vir cum mucrone.*

„ F As omne rumpo prorſus impietas furens.
 „ Per omne crimen noſtra graſſatur manus.
 „ Necmetuo ciues, nec propinquos, nec Deos.

<G4v>

„ In

	POMPA ANTIGONÆA.	57	
	,, Infclera greffu cunta præcipiti feror.		
	,, Hic mucro parcit nemini, quemuis ferit,	60	
	,, Ipfiq; fummo vel Ioui vulnus dabit.		
	FLAGELLVM, <i>vir cum flagello.</i>		
	Iouis flagellum punio iniustos viros,		
	Vlrixq; per me pæna crudeles manet;		
	Immineo fempèr crimini, & fontem premo;		
	Peccanq; loro cæditur quiuis meo:	65	
	Nec crimen vllum hanc vindicem effugiet manum.		
	,, Tardat Iouis, fed tollitur nunquàm vltio.		
	SERA POENITENTIA, <i>vir.</i>		
	Hèu, fapio tandèm fera Pœnitentia:		
	Quis facinavit cor meum infanus furor?		
	Quæ cæcitas hoc pectus obfêdit mihi?	70	
	Quod fi antè noffem hoc, emori optaffem priùs,		
	Quàm perpetrâffem tanta. nunc votum eft mori.		
	Heù mentem inanem: dira me clades premit.		
	POETA.		
	Priuata magnus rifpicit dum animus mala,		
Secunda	Partem in finiftram ductus affectu leui,		
Pompa.	Violare tentat publicum ius, propriæ		
	Memor miferiæ, in patriam officij immemor,		
	Contraq; fafces incito fertur gradu,	5	
	Facinufq; mortem per malum accelerat fuam.		
	Atq; hæc fepulcrum flebile Antigones docet:		
	Palàmq; faciet iam fequens fpectaculum.		
	MAGNANIMITAS, <i>mulier.</i>		
	Parente claro nobilis Magnanimitas		
	prognata, honorem ftemmatis iacto mei.	10	
	Noftrum hàud decebit pectus affectus leuis.		
	H<1r>	Immota	

TRANSGRESSIO, *vir.*

T Ranfgrefsio æqui nomen est mihi : fequor
 Quò fert voluntas : lædo vicinos agros,
 Tranfilio septa, limites demolior ;
 Admotus & obex pectus inflammat magis:
 Nihil coercet. iura frango publica.
 Species honefti fi qua, nil quicquam moror.

CONTVMACIA, *vir.*

I Stùc rebellis aſto Contumacia,
vultum impudentem, ſpiritus magnos gero : 45
Nec me timere iudicis vultus facit.
Peccaffe quicquàm non pudet, factum ſcelus
Defendo, iacto , gloriôr. Famæ quafi
Studens, libenter fata quod ſtatuunt feram.

ODIVW *vir.*

O Dium scelestos prosequor : prauos premo 50
 Vi ponderosa, nemo me benè sustinet :
 Charos amicos ante hanc tandem horreo,
 Merita & priora profusus ex animo cadunt.
 Me pertinacem nullius damnum mouet :
 Cuiusq; mordax crimen allatro vt canis. 55

SUPPLICIVM, *cum securi.*

I Mmane recta voce supplicium vocor ;
Ex ore semper iudicantis pendeo.
Exilia, mortem, carcerem hac dextra fero.
Perago imperata , reffero abfciffum caput.
Sæuam hanc securim nemo declinat reus.

H 2< r > POETA.

POETA.

Tertia I Vuenile pectus feruidus penetrans amor
Pompa. Statum priorem mutat atq; alium facit.
 Aduerfa fi res acci^dat, nescit regi ;
 Exutus animo, pronus in artes malas
 Fertur : falutem negligit. Verbum est vetus,
 Sapere, ac amare vix Ioui iunctim datur.
 Hæmonis hoc, fe dum necat, fatum docet ;
 Idemq; monftrat ordo qui prodit nouus.

5

CVPIDO, puer cum arcu & sagittis.

A Dfum Cupido dictus infamis Deus.
 Quamuis vtroq; lumine orbatus; tamen
 Sagitta metam tangit hæc : quoduis iecur
 Emiffa penetrat, & loco in iufto manet.
 Vagor per omnes impiger mundi plagas
 Semper fecundis rebus infidias loco.
 Vel fulminantem noſtra fax torret Iouem.
 Hæc me furentem turba ſectatur comes.

10

15

TEMERITAS, vir.

L Inguæ proterua futilis ſum Temeritas.
 Incerta me fors, nulla fed ratio regit.
 Præuideo prudens nulla : quæ cafus feret,
 Sequor : fidele ſperno confilium ; obſtrepo
 Procax & amens : ducit error de via.

20

IMPUDENTIA, vir ferreum os.

S Vccedo vultus ferrei Impudentia.
 Perfricta frons hæc neminem prorsùs fugit,
 Pudor nec vnquam confcius vultum notat.
 Prorsùs decorum negligo officium inſolens.
 Non cedo patri, fed laceſſo opprobrijs ;

25

<H2v>

Innata

POMPA ANTIGONÆA.

61

Innata talis pectori est audacia.

IMPETVS.

P Ræceps vaguſq; & pronus ad caſum Impetus.

Noſtros amores ſi quid aduerſum premit,

Vel ſi dolores bile cor pungant meum, 30

Quò timeo ferri ? nil moror, fed quodlibet

Attento facinus : exulat ratio : quaſi

Rabie maligna percitus, morti obuium

Do ſæpè memet, fata præuertens mea.

INTERITVS.

I Nteritus adſum, memet & lædo furens. 35

Nullus cadentis ordo naturæ hùc trahit,

Sed vis refringens cæca vitæ ftamina,

Manumq; propriam in funus armauit meum.

Vitam hanc adêmit mens mea impaciens mihi,

Raptiq; amoris luctus affligens. Comes 40

Huic fio, ſequitur Impetum quiſquis ducem.

POETA.

Pompa quar F œlix putandus, mente qui prudens agit.*ta,et vltima.* Gratus piuſq; eſt in fuos : Legi datæ

Parere nouit ; ſempèr illæſus manet ;

Omni ex periculo liber euadit ; bono

Fert placidus animo, quicquid aduerſi venit. 5

Illuc apertè mitis Ifmene docet ,

Et iſta quæ iam turba poſtremò venit.

RATIO.

E N Ratio viæ lumen humanæ vnicum ;

Monſtrare rectum muneris pars eſt mei.

Affectus ore cedit obliquo mihi, 10

Conſilia laudo ſana ; nil præceps ago.

Mores viciaq; trutinam fubeunt meam.

H 3<r> Rectum

62 P O M P A A N T I G O N Æ A.
 Rectum capeffo ; refpuo quicquid malum eft.
 Fortuna quamuis duplici includat malo,
 Perfifto placida ; recta mens femper manet. 15

P I E T A S.

P letas inermis, Patriam et Divos colo ;
 Propenfam in omnes mentem ego afflictos gero.
 Pars nulla vitæ debito officio vacat.
 Fratres, parentes integra obferuo fide ;
 Semperq; refero gratiam cunctis parem. 20
 Sum chara femper omnibus quoquò feror ;
 Et quicquid vſquàm molior, cunctis placet.

O B E D I E N T I A.

C Lemens remiffo pectore Obedientia,
 Non ambio alta ; forte contentor mea ;
 Quicquid poteſtas imperat, feruo libens. 25
 Rectè puſillam ferre fortunam ſcio.
 Appetere nolo ma gna. nam quiſquis benè
 Latet, benè etiam viuit : in plano leuis
 Eſt lapſus: vnquam paruiffe haud pœnitet.

I N C O L U M I T A S.

A Ccedo membris integris Incolumitas. 30
 Quodcunq; capiti crimen illatum eſt meo,
 Virtute forti pellit integritas ſtatim.
 Namq; innocens haud hæret in culpa diù ;
 Non ſubita me mors pellit, aut fallax premit ;
 Vita at capillos candida ad canos manet. 35

F O E L I C I T A S, *cum Corona.*

F œlicitatem quiſq; melongæ viæ
 Metam requirit : ſum laboris terminus ;
 virtutis almæ præmium, finis, comes.

<H3v>

Me

Me præpotentes, splendidi & regno ambiunt,
 Sanaq; quotquot mente funt ; frustrà tamen.
 Fortuna non me cæca sublimem capit ;
 Sed fola virtus, arduam scandens viam,
 Ad hanc coronam tendit, & partam tenet.

40

POETA.

*Ista dicuntur pro
 Epilogo.*

E X rebus istis hoc minutis ordine,
 Quantus metatur fructus apparet fatis.
Finis pomparum.

45

*Hic sequuntur quædam themata, ex ipsis huius Tragediæ
 præcedentis visceribus deriuata.*

*Thema pri-
 mum.*

Cæcam philautian multarum calamitatum causam effe
 ex Creontis exemplo discimus.

Carmen Iambicum, Dicolon Distrophon.

N Vllum fecundis in folens fœlicitas
 Admittit in rebus modum.
 Multos fui in vefanum amorem compulit
 Tumida potestas abripi.
 Hinc mentis aciem propriæ sapientiæ
 Inflatu excæcat ftupor.
 Recti statim difcrimen ac iufti exulat,
 Exercet imperium impetus.
 Quodcunq; præceps cæptat affectus, placet :
 Libido dominatur furens.
 Illac voluntatis Tyrannis corrui,
 Quà feruor effrænis rapit
 Virtutis imperium ac honefti foluitur;
 Ipfa pietas mota eft loco.
 Remiffa habena fertur in præceps equus,
 Quôcunq; libertas iubet.
 Præfracta mens, & duris in malis rigor
 Hæc cuncta fectatur comes :

5

10

15

<H4r>

Quem

„	Quem nulla flectit ratio, nec prudentia,	
„	Nec turgidæ frangunt minæ.	20
„	Immò vŕq; pertinax in incepto manet,	
„	Nunquàm remittit, quod tenet.	
„	Non vlla rigidum verba prudentûm, aut grauis	
„	Authoritas fenum mouet.	
„	Vatum piorum temnitur ſacrum decus,	25
„	Et clara cedit dignitas.	
„	Quîn in ſupremum concita impietas Deum	
„	Prorumpit in tetrum ſcelus.	
„	Præterita crimen culpa prolectat nouum,	
„	Nulluŕq; peccandi eſt modus.	30
„	Etenîm prioris finis infœlix mali	
„	Peioris eſt ſempèr gradus.	
„	Tandèm ſeuerus criminum vindex Deus	
„	Pœnas acerbas expetit.	
„	At qui fapit, non quæ libent, fed quæ decent	35
„	Et recta ſunt, amplectitur ;	
„	Proprijs nec ipſe blandus ignoſcet malis,	
„	Aliena poſtponens ſuis ;	
„	Sed tetricus ipſe mentis eſt cenſor ſuæ,	
„	Decreta cofilio regens.	40
„	Quemcunq; carpit, arrogat nuſquàm ſibi,	
„	Se noſcere imprimis ſtudens.	
„	Non ſentienti morbus eſt multùm grauis,	
„	Vt qui remedium reſpuit.	
„	Ferrum medentis vulnus obductum fugit ;	45
„	Opem recufant, quæ latent.	
„	Parêre medico prima curandi eſt via :	
„	Qui ſe optimè ſcit, optimus.	
„	Ergò cauendum eſt, nè tui fallat te amor,	
„	Nèc mentis elidat ſtatum.	50
„	Expende quicquid feceris, ſi expers mali,	
„	Si vis beatè vivere.	

Secundum Quàm fit malum publico Magiſtratus edicto nòn parêre,
Thema Antigonæ exemplum docet.

<H4v>

Carm//

Carmen Anapesticum Dimetrum.

I<1r> Vetera

,, Vetera incaffum recidunt merita ,
 ,, Animus chari gratus amici
 ,, Prauum exemplum læfus abhorret,
 ,, Atq; efficitur ferus ex fido
 ,, Hoftis amico. Grauis eft regis 40
 ,, Ira offenfi. flexile vimen
 ,, Onus immenfum non fufientat,
 ,, Imò iniecto pondere fedit.
 ,, Carcer, egeftas, pædorq; domant ;
 ,, Cladeſq; modum patitur nullum. 45
 ,, Afpera fati vis funefti
 ,, Vltima tandèm pæna fequetur.
 ,, Fatuus ftimulum qui ferit acrem,
 ,, Pede nequicquàm promouet icto.
 ,, Plaga authori nocet impofita. 50
 ,, Res grata quies. Difcere nimis eft
 ,, Sapere accepto vulnere ferum.
 Ergò corpus florere diù
 Validum exoptas ? capiti pare .
 Longum fœlix gerat imperium. 55
 Sic perpetuo benè procedunt
 Omnia curfu.

Tertium Quæ corrigere nòn poſſumus , ea attentare nè velimus
Thema. docet Ifmene, vitæ quietæ formam tradens.

Carmen Sapphicum.

,, S Vmma fi legem iubeat poteſtas
 ,, Impiam, vel fi violet benignæ
 ,, Iura naturæ, minimè cuiuis
 ,, Frangere fas eft.
 ,, Arduis feſe fapiens dolebit 5
 ,, Rebus intrudi : ftudet vt lateſcat
 ,, Grata libertas : benè qui latebat,
 ,, Is benè vixit.
 ,, Abſtinet magnis, animoq; paruam
 ,, Ferre fortunam benè difcit æquo : 10
 <I1v> ,, Vtitur

,, Vtitur paruis fapiens, fuaq;
 ,, Pelle quiefcit.
 ,, Ponderi cedunt nimio libenter,
 ,, Quod pati molles nequeunt lacerti ,
 ,, Nec finunt vires onus impotentes 15
 ,, Frangere durum.
 ,, Mobiles rerum dubijq; cafus.
 ,, Quod ftatu durat nihil eft eodem.
 ,, Inuicem recta & mala cuncta certo
 ,, Ordine cedunt. 20
 ,, Quæ minor prauè ftatuit poteftas,
 ,, Maior aduentans eadem reuellit.
 ,, Ipfe quod cæptas malè, fæpè præceps
 ,, Efficit ætas.
 ,, Quicquid excelfum eft, dubia locatur 25
 ,, Sede. Nymbofo Borea superbæ
 ,, Vappulant turres : feriunt niuofos
 ,, Fulmina montes.
 ,, Vulnus euitat macilenta ceruix :
 ,, Seq; res rectè modicæ coercent : 30
 ,, Turbidi paruæ rabies carinæ
 ,, Non nocet Auftri.
 ,, Quem leuat culmen rota verfa in altum,
 ,, Nè ruat præceps pauet vfq; : terra
 ,, Lapfus in plana leuis, & fine vllo 35
 ,, Vulnere furgit.
 ,, Tutus angufta cibus vfq; menfa
 ,, Carpitur : cefpes viridis profundos
 ,, Prouocat fomnos ; cafa pellit omnem
 ,, Parua timorem. 40
 Quæ fupra vires mala funt, relinquo ;
 Semper expectes meliora ; temet
 Interim frœna, & propria beatus
 Sorte quiefce.

Amare fimul & fapere vix cuiquàm dari, interitus Hæmonis docet.

Choriambici Afclepiadæi.

,, N ec flammæ rapidæ, nec Boreæ trucidis
 ,, Vis tanta, aut v alidi fulminis, aut maris
 ,, Vafti : quanta, mali quando Cupidinis
 ,, Venas æftus edax occupat intimas,
 ,, Et torret cupidum flammea fax iecur. 5
 ,, Vt feruor iuuenis cor penetrauerit,
 ,, Artes ingenium labitur in malas ;
 ,, lactatur variè, nec Cereris fubito
 ,, Nec bacchi ftudium ; peruigiles trahit
 ,, Noctes ; cura animum folicita atterit ; 10
 ,, Abfumptus decor eft priftinus, & vigor ;
 ,, Inceffus varius fæpè tremens labat ;
 ,, Recta a mente mifer deferitur ; falus
 ,, Spreta eft ; & rabies fæda cor occupat ;
 ,, Non flectit ratio, nec fapientia. 15
 ,, Vt lambens folidas flamma trabes vorat,
 ,, Et paruum in cinerem robora concidunt :
 ,, Vt rauci validus turbinis impetus,
 ,, Quodcunq; obftiterit, funditùs abripit :
 ,, Sìc crudelis Amor vifceribus latens 20
 ,, Conquaffat penitus rectum animi ftatum ;
 ,, Secum cuncta rapit ; confilium exulat
 ,, Sanum ; fefe animus præcipitat fcienſ ;
 ,, Difcedunt pietas, ius, decus, æquitas,
 ,, Virtus, fancta fides, & rofeus pudor. 25
 ,, Mens quæ peſſima funt fertur in hæc libens,
 ,, Nec frænos patitur, nec poterit regi ;
 ,, Verum fata furens accelerat fua,
 ,, Morti fæpè auidæ fe ingerit o buiam,
 Ergò cedat amor, fi fapis, improbus, 30
 Dum fanus poteris : nam leuis eft Deus.
 Tam vefana animus nè caleat face,
 Sed primum prohibe ftrenuus impetum:
 Ad laudem celebrem sìc via fternitur.

F I N I S.

<12v>